

†
KŪPĀ AR JEZU

Imprimatur
† Jānis Bulis
Rēzeknes - Aglyunas diecezes veiskups
2012. gada 3. maijā,
Sv. apostolu Filipa un Jākuba svātkūs


KŪPĀ AR JEZU

Lyugšonu grōmota bārnim un jaunīšim

6. papyldynōtais un pōrstrōdōtais izdavums

2015

RĒZEKNES-AGLYUNAS DIECEZES KURIJA



**MUNA PYRMŌ
SVĀTŌ KOMUNIJA
AR JEZU**

VĀRDS
KRYSTAMVĀRDS
UZVĀRDS
ASMU KRISTEITS(-A)
BAZNEICĀ
PYRMĀS SVĀTĀS
KOMUNIJAS DĪNA
BAZNEICĀ
KOMUNIJAI
SAGATAVĀJA
1. SV. KOMUNIJU
PASNĒDZE
LĪCINĪKI BEJA:
MUNS TĀVS
MUNA MĀTE
KRYSTTĀVS
KRYSTAMĀTE
RADINĪKI
.....



*JA PATĪŠI GRIBIM LYUGTĪS,
TOD MUMS VYSPYRMS JŌĪSAMĀCA
KLAISEITĪS,
JO DĪVS MYUSUS UZRUNOJ
MYUSU SIRDS KLUSUMĀ.*

Mōte Tereze

KRYSTA ZEIME

† Dīva Tāva un Dāla,
un Svātō Gora vōrdā. Amen.

KRISTEIGAIS SVEICĪNS

Lai ir slaveits Jezus Kristus!
Myžeigi myžam!

KUNGA LYGŠONA

Dīvs, ir muns vyslobais Tāvs
Jys mani mīloj, dōvoj maņ dzeiviebu.
Dīvs ir radejis maņ breineigu pasauli.
Jezus mōca myusus lyugtīs:

**Tāvs myusu, kas esi debesīs,
svēteits, lai tūp Tovs vōrds,
lai atnōk Tova valsteiba,
Tova vaļa lai nūteik kai debesīs,
tai ari vērs zemes.**

**Myusu idīnišķū maizi dūd mums šudiņ
un atlaid mums myusu porōdus,
kai ari mes atlaižam
sovim porōdnīkim.
un naīved myusus kārdynōšonā,
bet atpestej myusus nu ļauna.
Amen.**



ENGEĻA SVEICĪNS

Bez mysu mameņas mums ir vēl Môte debesīs.
Jei myusus mīloj un aizlyudz Dīvu par mums.
Es varu jū lyugt sokūt:

Esi sveicynōta, Marija,
žēlesteibas pylnō,
Kungs ir ar tevi;
Tu esi svēteita storp sīvītem,
un svēteits ir tovas mīsas auglis Jezus.
Svātō Marija, Dīva Mōte,
lyudzīs par mums, grēcinīkim,
tagad un myusu nōves stuņdē. Amen.

VYSUSSVĀTŌS TREISVIENĪBAS GŪDAM

Dīvs ir vīns, bet trejōs Personōs:
Dīvs Tāvs, Dīvs Dāls un Dīvs Svātais Gors.
Mes pagūdyojam Treisvīneigū Dīvu ar vōrdim:

Gūds lai ir Tāvam
un Dālam, un Svātajam Goram,
kai beja nu īsōkuma,
tai tagad un vysod,
un myužeigi myužam. Amen.

APOSTOLU TICEIBAS APLĪCYNŌJUMS

Sovu mīlestību uz Dīvu aplīcynojam,
tycūt vysam, kū jys ir mums atklōjis:

Es tycu uz Dīvu,
vysuvareigū Tāvu,
dabasu un zemes Radeitōju,
un uz Jezu Kristu,
Jō vīneigū Dālu,
myusu Kungu,
kas ir ījimts nu Svātō Gora,
pīdzimis nu Jaunovas Marijas;
cītis zam Poncija Pilata,
krystā pīkolts, nūmiris un apglobōts;
nūkōpis eļnē;
trešajā dīnā augšancēlīs nu myrušīm,
uzkōpis debesīs, sēd pi Dīva Tāva,
lobōs rūkas, nu kurīnes Jys atnōks
tīsot dzeivūs un myrušūs.
es tycu uz Svātū Goru,
svātū katōliskū Bazneicu,
svātūs sadraudzeibu,
grāku atlaisšonu, mīsas augšanceļšonūs
un myužeigū dzeivōšonu. Amen.

REITA LYUGŠONA

Meilais Dīvs,
myusu dabasu Tāvs,
es Tevi mīloju un pasateicu Tev
par jaunū dīnu, kuru Tu maņ dōvoj.
Lyudzu, paleidzi maņ,
lai es šudiņ bytu lobs
pret sovim vacōkim,
lai es nadareitu pōri cytim bārnim,
lai es bytu pret vysim laipns un izpaleidzeigs,
lai prīceigūs un skumeigūs breižūs vīnmār atcerātūs,
ka Tu, meilais Dīvs, esi kūpā ar mani. Amen.
Tāvs myusu...
Esi sveicynōta Marija...
Gūds lai ir Tāvam...
Es tycu...

LYGŠONA PYRMS UN PĒC ĒSŠONAS

Svētej, Kungs, myusus un šōs dōvonas,
kū nu Tovas deveibas sajamam.
Caur Jezu Kristu, myusu Kungu. Amen.

Vysuvareigais Dīvs,
mes Tev pasateicam par vysom dōvonom,
kū asam sajāmuši nu Tevis,
kas dzeivoj un voldi myužeigi myužam. Amen.

VOKORA LYUGŠONA

Kungs, pījem vysu,

kū es šudiņ asmu dūmōjis, runōjis, darejis.

Izloboj tū vysu,

svētej un dori sev pateikamu.

Pasateicu Tev, Meilais Dīvs,

ka Tu vysu dīnu beji nūmūdā par mani,

par tū, ka caur munim vacōkim

dōvoj maņ sovu mīlestību, par tū,

ka dūd maņ tik daudz loba caur cylvākim,

kurus ikdīnā sateiku.

Pīdūd maņ, žālsirdeigais Dīvs,

ka nabeju pret vysim lobs.

Es grybu lyugtīs par tim,

kurim šudiņ asmu nūdarējis pōri:

- Kungs, dōvōj jim sovu žēlesteibu.

Es lyudzu ari par tim, kuri slikti izturēja pret mani:

- meilais Dīvs, paleidzi jīm kļyut lobōkim.

Vysuvareigais Dīvs, dōvoj maņ mīreigu nakti un
atpytu, lai es nu reita ar atjaunōtim spākim varātu
īsōkt jaunu dīnu Tovam gūdam. Amen.

Tāvs myusu...

Esi sveicynōta Marija...

Gūds, lai ir Tāvam...

Es tycu...

KUNGA ENGEĽS

Kunga engeļs pasludynōja Jaunovai Marijai,
Un jei ījēme nu Svātō Gora.
Esi sveicynōta Marija....

Raug, es asu Kunga kolpyune,
Lai man nūtieki pēc Tova vōrda.
Esi sveicynōta Marija....

Un Vōrds kliva mīsa,
Un dzeivōja storp mums.
Esi sveicyōnāta Marija....

R: Lyudzīs par mums svātō Dīva Dzemdeitōja.
V: Lai mes Kristus solījumu cienīgi topam.

Lyugsimēs. Mes Tevi lyudzam, Kungs, īlej myusu sirdīs sovu žēlesteibu, lai mes, kurim engeļa sludynōšonā ir topuse zynoma Kristus, Tova Dāla, īsamīsōšona, ar Jō cīšonom un krystu tiekam īvasti augšancelšonōs gūdeibā. Caur Jezu Kristu myusu Kungu. Amen.

DEBESS KARALĪNE

(Leldīnu laikā)

Debess Karalīne, līksmojīs, alleluja:
Tys, kū Tu kai bārnu nesi, alleluja,
Augšancēlīs ir, kai teicis, alleluja.
Lūdz(īs) Dīvu par mums, alleluja.

V. Prīcojīs un līksmojīs, Jaunova Marija,
alleluja.

R. Jō Kungs ir patīši augšancēlīs alleluja.

Lyugsimēs. Dīvs, Tev ir labpaticis ar sova Dāla,
myusu Kunga Jezus Kristus augšanceļšonūs īprīcynōt
pasauli: mes Tevi lyudzam, aizbyldūt Jō Mōtei
Jaunovai Marijai, ļauņ mums īmontōt myužeigōs
dzeives prīcu. Caur Jezu Kristu, myusu Kungu. Amen.

ESI SVEICYNĀTA, KARALĪNE

Esi sveicynāta, Karalīne, žālsirdeibas Mōte,
kas mums Pesteitōju devi, esi sveicynāta.

Mes, īvas bārni, svešumā saucam uz tevi.
Mes tevi lyudzam, sārojūt un raužūot šamā osoru
īlejā.

Tōdēļ, mysu aizstōve, verīs uz mums sovā
žālsirdībā

Un pēc šōs dzeives ved myus pie Jezus,
pi sova dīviškō Dāla.

Tu, ūzeleigō un laipnō,
Vysusvātōkō Jaunova Marija.

SVĀTĪ SAKRAMENTI



KRISTEIBA


ĪSTYPRYNŌŠONA

VYSUSVĀTŌKAIS
SAKRAMENTS VAI
EUHARISTIJA



GONDAREIŠONAS
SAKRAMENTS


SLIMINĪKU
SAKRAMENTS



PRĪSTEREIBA



LAULEIBA



**SAKRAMENTI
IR JEZUS KRISTUS ĪDYBYNĀTAS
RADZAMAS ZEIMES,
CAUR KUROM SAJEMAM
DĪVA ŽĒLESTEIBU.**

*Kungs Jezus
īdybynōja sakramentus,
lai paleidzātu mums
klyut lobim
un sasnīgt dabasu valsteibu.*

KRISTEIBA

Meilais Jezu,
pasateicu Tev par tū,
ka esi darejis mani par Dīva bārnu
un ka asmu klivis
par Dīva tautas – Bazneicas – lūcekli.
Amen.





Jezu, es uzatycu Tev!

***MUNS DĪVS,
UZKLAUSI MUNU LYUGŠONU.
LAI TOVA ŽĀĻSIRDEIBA
NŪSALĪC PÔR MANI,
ATBYLDŪT MUNAS SIRDS ILGOM.***

sv. Augustins

GONDAREIŠONAS SAKRAMENTS

1. **Sirdsapziņas izmeklēšona.**
2. **Grāku nūžālōšona.**
3. **Apsajimšona lobōtīs.**
4. **Grāksyudze.**
5. **Gondareišona par grākim
Dīvam un cylvākim.**

Vyslobais Tāvs,
es grybu byut Tovs bārns,
kaut ari bīži Tevi apvainoju
ar sovim slyktajim dorbum.
Paleidzi mañ, Dīvs,
pīminēt vysus munus grākus
un tūs nūžālōt. Amen.

1. SIRDSAPZIŅAS IZMEKLĒŠONA

Dīva bausleibas

1. Dīvs ir muns Tāvs.

Tev nabyus cytus dīvus turēt leidza ar mani.

Voi naaizmērsu lyugtīs?

Cik sirsneigi lyudzūs?

Voi natraucēju cytīm lyugtīs?

Voi lobprōt eju uz ticeibas mōceibas nūdarbeibom?

Voi asmu ūsabejīs par Dīva asameibu voi ticeibas patīseibom?

Voi losu religiskas grōmotas, lai labōk izprostu ticeibas patīseibas?

Voi pyldu religiskūs pīnōkumus mīlestebā uz Dīvu?

Voi nepīcīšameibas gadejumā asmu aizstōvējis sovu ticeibu, Bazneicu?

Voi asmu ticējis horoskopim? Zeilējis?

Nūsadorbōjs ar goru izsaukšonu?

Voi asmu mōpticeigs?

Voi Dīvs munā dzeivē ir pyrmajā vītā?

2. Dīva Vōrds ir svāts.

Tev nebyus Dīva, sova Kunga, vōrdu nelīteigi volkōt.

Voi lyugšonas laikai dūmōju par Dīvu?

Voi ar cīnu izrunōju Dīva vōrdu?

Voi napatīši nazvērēju, pīsaucūt Dīva vōrdu?

Voi napīsauču navītā Dīva vōrdu?

Voi sv. Mises laikai munas dūmas un sirds beja vārstaras uz Dīvu?

3. Svātdīna ir svāta dīna.

Tev byus svātū dīnu svēteit.

Voi kotru svātdīnu pīsadaleju sv. Misē?

Kai izaturēju bazneicā?

Kai pavadēju svātdīnu?

Voi naasmu svātdīnā strōdōjis smogus dorbus?

4. Caur vacōkim mani mīloj Dīvs.

Tev byus gūdōt sovu tāvu un mōti.

Kaids beju pret vacōkim, skūlōtōjim, cytim pīaugušajim?

Voi klauseju vacōkus?

Voi lyudzūs par jim?

Voi paleidzēju jim?

Voi īprīcynōju sovus vacōkus, dorūt lobu?

5. Dzeiveiba ir breiniškeiga Dīva dōvona.

Tev nabyus nūkaut.

Voi ryupējūs par savu veseleibu (nalītoju cigarettes, alkoholu, narkotikas)?

Voi beju uzmaneigs pret cytu cylvāku veseleibu?

Voi sytu cytus, ḥirgōjūs, pazemōju, īneidu?

Voi nadareju pōri dzeivinīkim?

Voi napūsteju dobu?

Voi ryupējūs par saticeibu un mīru?

Voi naasmu streidējīs, dusmōjīs?

6. un 9. Muna mīsa ir Svātō Gora templis.

Tev nabyus lauleibu pōrkōpt.

Tev nabyus īkārōt sova tyvōkō sīvu.

Voi nabeju bezkauneigs dūmōs, vōrdūs, uzvedeibā?

Voi neasaskatejūs bezkauneigas filmas, žurnalus?

Voi naaizskōru cytu cylvāku gūdu ar dūmom, vōrdim, izaturēšonu?

Voi naasmu darejis kū naškeistu vīns voi ar cytim?

Voi naasmu volkōjis napīklōjeigu, pīdauzeigu apgērbu

7. un 10. Cīns pret īpašumu.

Tev nabyus zagt.

Tev nabyus īkārōt nivīnu lītu, kas pīder tovam tyvōkajam.

Voi zogu? Kam? Kū?

Voi atdevu atpakaļ nūzogtū lītu?

Voi saudzeigi izaturu pret lītom, kuras kaids maņ ir aizdevis?

Voi atdūdu tōs atpakaļ īpašnīkam?

Voi atdevu atrostu montu?

Voi saudzeigi izaturu pret vysu kūpējū īpašumu?

Voi nabeju skaudeigs?

Voi aiz skaudeibas navēlēju, nadareju cytim ļaunu?

Voi protu prīcōtīs par cytu veiksmem un panōkumim?

8. Patīseiba ir ceļš pi Dīva.

Tev nabyus napatīsu līceibu dūt pret sovu tyvōkū.

Voi malōju?

Voi naapmalōju cytus?

Voi atzynu sovu vainu?

Voi nasasyudzēju par cytīm?

Voi naasmu bez vajadzeibas par cytīm runōjis,
stōstejis tōlōk cytu klyudas?

Voi asmu turējis dūtū vōrdu?

Bazneicas bausleibas**1. Tev byus svātdīnōs un svātku dīnōs pīsadaleit
svātajā Misē un atsaturēt nu smogim dorbim.**

Voi pīsadaleju sv. Misē svātdīnōs un Bazneicas
svātkūs?

**2. Tev byus Bazneicas nūteiktajōs dīnōs atsaturēt
nu galas ēdīnim un gavējamōs dīnōs gavēt.**

Voi gavēju 24. decembrī, Palnu trešdīnā, Lelajā
pīktdīnā (nu 21 goda vacuma)?

Voi atsaturēju nu galas ēdīnim vysōs pīktdīnōs un
Lelajā sastdīnā (nu 14 godu vacuma)?

Voi Lelō gavēja laikā nagōju uz trūkšņainom
izprīcom (diskotekom)? Nasaklauseju pōrōk skaļu
muzyku?

3. Tev byus vysmoz vīnu reizi godā izsyudzēt sovus grākus.

Cylvāks, kurš mīloj Dīvu, vēlejās vīnmār byut kūpā ar jū, tōpēc īt uz grāksyudzi (jo nav vacs, naspēceigs, slyms) ik pēc 2 – 3 nedējom.

Cik bīži eju uz grāksyudzi?

4. Tev byuss vysmoz Leldīnu laikā pījimt Vysuvātōkū Sakramantu.

Pīsadolūt sv. Misē, ejam pie dīvgolda (jo asam naseņ bejuši uz grāksyudzi un mums nav lelu grāku) un pījemam Vyssvātōkū Sakramantu jeb Euharistiju – pošu Jezu Kristu zam maizes un veina zeimem. Jezus grib byut kūpā ar mani, lai paleidzātu man klyut lobōkam.

Voi ar cīnu un mīlestieibu sasagatavoju pījemet Jezu sovā sirdī?

Voi lyudzūs pyrms sv. Komunijas?

Voi ar dziļu ticeibu un nūpītneibu pījemu Vyssvātōkū Sakramantu?

Voi pēc sv. Komunijas pasateicu Jezum par jō mīlestieibu pret mani?

5. Tev byus paleidzēt uzturēt sovu Bazneicu.

Voi izmontoju un atteistu tōs spējas, kū Dīvs man devis, Jō gūdam (dzīdu bazneicas kōrī, eju euharistiskajā procesijā, asmu ministrants pi oltora)?
Voi lyudzūs par Bazneicu un tōs prīsterim?

Golvonī grāki**1. Lepneiba.**

Voi uzskateju sevi lobōku par cytim?
 Voi nasalīleju cytu prīškā?

2. Alkateiba.

Voi napajamu sev lobōkū porciju?
 Voi prūtu daleitīs ar cytim?

3. Naškeisteiba.

Voi asmu kautreigs?
 Voi ar cīnu izaturu pret cytim?

4. Skaudeiba.

Voi spēju prīcōtīs par cytu veiksmi?
 Voi nabeju skaudeigs?

5. Nagauseiba.

Voi cīneigi izaturu pret maizi un cytom Dīva veļtem?
 Voi spēju savaldeit sovas īgrybas?
 Voi nabūjoju sovu veseleibu, lītojūt alkoholu,
 narkotikas, cigarettes?

6. Dusmas.

Voi spēju sasavaļdeit?
 Voi nasadusmoju uz cytim?
 Voi prūtu pīdūt un lyugt pīdūšonu?

7. Slynkums.

Voi körteigi izpyldu sovus pīnōkumus?
 Kai strōdoju (navīžeigi, pavērši)?
 Voi prūtu veļteit tū, kū doru, Dīva gūdam?
 Voi lobprōt doru sovu dorbu?
 Voi strōdoju pi sova rakstura veidōšonas?

2. GRĀKU NŪŽĀLŌŠONA

Kungs Jezu!
Tu par munim grākim nūmiri uz krysta.
Es lyudzu pīdūšonu par tū,
ka asmu Tevi apvainōjis ar sovim grākim.
Pīdūd,
ka asmu darejis pōri cytim cylvākim.
Pīdūd mañ, Jezu.
Es otkon grybu byut kūpā ar Tevi.
Amen.

3. APSAJIMŠONA LOBĀTĪS

Es nūžāloju nu vysas sirds,
ka asmu Tevi,
sovu vysmīlū dabasu Tāvu, apvainōjis.

Es apsajemu izasargōt
nu grākim un slyktajim parodumim
un sargotīs nu izdeveibas grākot.

Styprynoj ar sovu žēlesteibu
šū munu apsajimšonu lobotīs
un naļauņ maņ krist grākā.

Lobais Jezu,
es grybu lobotīs,
grybu byut lobōks. Amen.

Es padūmōšu par tū, kū tīši grybu sovā raksturā,
uzvedeibā lobotīs.

PYRMS GRĀKSYUDZES

Žālsirdeigais Dīvs,
Tu mani esi atvedis uz šejīni,
lai es sajimtu
Tovu žēlesteibu un pīdūšonu.
Atver munas acis,
lai es radzātu ļaunumu,
kū asmu izdarejis.
Ļauļ maļ saprast,
ka Tu uzlyukoj mani
ar mīlesteibas pylnu skatīni
un gribi,
lai es vīnmār asmu Tovs bārns.
Meilais Dīvs,
dūd lai ļaunums atsakōpj nu manis
un munā sirdī otkon īnōk
mīlesteiba uz Tevi un cylvākim.
Amen.

4. GRĀKSYUDZE

**† Dīva Tāva un Dāla, un Svātō Gora vōrdā.
Amen.**

Lai ir slaveits Jezus Kristus!

(*Prīsters atbild: „Myužeigi myužam.”*)

Pādejū reizi beju uz grāksyudzi... (kod?)

**Vyslobū Dīvu asmu apvainōjis (-use) ar šaidim
grākim...**

(*Pasoku vysus sovus grākus.*)

**Vairōk grāku napīmiņu, šūs un vysus cytus grākus
nūžāloju, apsajamu lobōtīs un lyudzu grāku
pīdūšonu.**

(*Uzmaneigi klausūs, kū saceis prīsters. Īgaumeju, kaidu
lyugšonu jōskaita gondarejumā.*)

*Kod prīsters par mani lūdzās un dūd maņ grāku
pīdūšonu, vēlreiz nūžāloju grākus un trejs reizes sytu
kryutīs, sokūt:*

Kungs, esi maņ, grēcinīkam (-eicai), žēleigs.

*Prīsters mani svētej ar krysta zeimi. Es pōrsakrystu,
sokūt:*

**Dīva Tāva un Dāla, un Svātō Gora vōrdā.
Amen.**

Kod prīsters pīklauvej, eju sovā vītā, lai pasateiktu Dīvam, par jō mīlestieibu un žālsirdeibu.

Pēc grāksyudzes

Tāvs,
sovā mīlestiebā
Tu ved mani nu ļauna uz lobu.
Svētej mani,
meilais Dīvs,
un dōvoj maņ spāku
un naatlaideibu turētīs pi lobō.
Amen.

5. GONDAREIŠONA PAR GRĀKIM

Kungs Jezu,
pasateicu Tev, ka pīdevi maņ grākus,
ka otkon varu byut kūpā ar Tevi.
Paleidzi maņ byut lobam.
(*Tōlōk uzrunoju Dīvu ar tōs lyugšonas vōrdim, kuru prīsters uzdeve lyugtīs gondarejumā.*)
Ceņssūs lobōt, cik vīn īspējams, sovu slyktūs dorbu
sekas.

EUHARISTISKAIS BREINUMS

*Italijā Lanciano pilsātēnā, kaidas sv. Mises laikā
maize un veins ocimradzamā veidā pōrsavērte par
Kristus Mīsu un Asni*



***Sudobra mostrance ar Vysusvātōkō
Sakramenta relikvijom (1713)***

*Tys pats Jezus,
kas kai mozs Bārns
pyrms 2000 godim pīdzyma*

Betlemē,

*kas nūmyra pi krysta par myusu
grākim un kas augšancēlēs Leldīnu
svātdīnā,*

*ir patīši, eistyni un personeigi
mums klōtasūš Vysusvātōkajā*

Sakramentā

*kai piļneigs jō myužeigōs un
pastōveigōs mīlestiebas pīrōdējums.*

*Jo vairōk kaidu mīloj,
jo vairōk vēlejīs byut kūpā ar jū.*

*Jezus mīloj myusus tik lūti,
ka jys nikod nasavēlej myusus atstōt.*

Tāvs Mōrtenš Vincents Lučia

***VYSUSVĀTŌKAIS SAKRAMENTS JEB EUHARISTIJA
ir Jezus Kristus eistō Mīsa un Asnis zam maizes un
veina zeimem.***

Vysusvātōkū Sakramentu myusu Kungs Jezus Kristus īdybynōja Pādejūs vakareņu laikā, sovas krysta nōves prīkšvokorā. Euharistija teik svynāta kotrā svātajā Misē, kur bezasiņainā veidā klyust klōtasūšs Jezus upurs uz krysta.

Kristus ir pylnvarōjis pīsterus svinēt Sv. Mises upuri, tōpēc, kad pīsters izrunoj poša Kristus vōrdus: „Tei ir muna Mīsa”, „Tys ir muns Asnis”, notiek konsekracija (pōrvērsšona): maize un veins klyust par Kristus Mīsu un Asni.

Sv. Mises laikai ticeigī pījem sv. Komuniju, tys ir, vīnojās ar Jezu Kristu, pījamūt Jō Mīsu un Asni Vysusvātōkajā Sakramentā voi Euharistijā. Pēc sv. Komunijas mes klyustum par daleņu nu Kristus. Jys dzīdnoj un dora lobōkas myusu dvēseles.

Vysusvātōkō Sakmenta kotrā vysmōzōkajā daleņā (pōrvārstajā maizī un veinā) ir klōtasūšs augšancēlīs Pesteitōjs vysā sovā dīviškeibā un cilvēceibā.

Kristīši ir aicynōti pēc īspējas bīžōk pījimt Vysusvātōkū Sakramantu; pi dīvgolda dreikst īt vīnu reizi dīnā. Uz sv. Komuniju, kur nūteik tikšonōs ar Dīvu, ir jōsasagatavoj. Ir jōdzeivoj tykumisku dzeivi. Nadreikst pījimt sv. Komuniju, ja uz sirdsapziņas ir nōveigs grāks. Turklöt jōsasagatavoj lydzūtīs, cīneigi jōpisadola sv. Misē.

Pēc sv. Komunijas kaidu laiku jōpavoda lyugšonā, pasateicūt Dīvam par Euharistijas dōvonu.

LYUGŠONAS Pyrms sv. Komunijas

Jezu Kristu, es tycu, ka Euharistijā Tu esi klōtasūš
gon kai Dīvs, gon kai cylvāks,
kaut ari naspēju Tevi redzēt ar sovas mīsas acim.
Tycu, jo Tu pats soki:

„Jemit un ēdit, tei ir muna Mīsa.”

Kai Pādejū vakareņu laikai ar sovom rūkom,
tai šudiņ caur prīsteru rūkaim
Tu snēdz mums maizes zeimēs
tū pošu Mīsu, kuru pīnoglōja pi krysta,
un Asnis, kas tyka izlīts myusu grāku pīdūšonai.

Meilais Jezu,

es tevi tagad gatavojūs pījimt sovā sirdī.

Tu zyni, ka munā dvēselē tik bīži sasakrōj slykti dorbi,
vōrdi, dūmas, ka Tev, Jezu, tī palīk pavysam moz vītas.
Tu redzi, ka maņ ir gryuši byut lo,bam, tōpēc es
lyudzu – nōc un mōjoj munā sirdī, lai ļaunums tī
navarātu īnōkt.

Amen.

Pēc sv. Komunijas

Muns meilais Pesteitōj,

Tu tagad mōjo munā sirdī.

Cik svareigs ir šys breidis!

Es pasateicu,

ka Tu mani apmeklej.

Jezu, Tu nōc, lai mani īprīcynōtu,
styprynōtu un mōceitu arvīn lobōk
pazeit un mīlōt Dīvu.

Paleidzi maņ pōrvarēt vysu,

kas mani pavadynoj uz ļaunu


un izdzēš manī Tovu mīlestieibu.

Es vysu grybu dareit

aiz mīlestiebas uz Tevi un cylvākim.

Lai ir myužam slaveits Vysusvātōkais Sakaments!

Amen.




*Jezus izstīpe sovas rūkas uz krysta,
lai apskautu ar tom vysu pasauli (...),
jo ar sovu izlītū asni uz krysta
gribēja apvīnōt sevī tū,
kas debesīs un vērs zemes.*

sv. Kirils nu Jeruzalemes

LYUGŠONA KRYSTĀ SYSTŌ PESTEITŌJA PRĪŠKĀ

Redzi, lobais un vysmeilais Jezu,
Tova vaiga prīškā es kreitu ceļūs
un ar vyslelōkū sirsneibu naatlaideigi
Tevi lydzu: īdedz žēleigi munā sirdī
dzeivas ticeibas, cereibas
un mīlesteibas jyutas,
kai ari patīsu grybu lobōtīs;
jo ar lelu mīlesteibu
un sōpem sovā sirdī
es aplukoju Tovas pīcas rātas
un prōtā apdūmoju,
kū par Tevi, lobais Jezu,
ir sacejis jau pravīts Davids:
„Jī ir pōrdyuruši munas rūkas un munas
kōjas; jī ir izskaitejuši vysus munus
kaulus.”



*Kungs, kod es īejу Tovā svātneicā,
kas ir Tovs noms, lyugšonu noms,
kur tūp svātdareitas dvēseles,
es Tevi lyudzu, atbreivoj mani
nu tukšom dūmom un izklaideibas,
lai es varātu dūmōt vīneigi par Tevi,
byut leidzdaleigs Tovūs nūpalnūs,
kas īgyuti ar Tovu svātū Asni,
un reiz pīlygt Tevi myužeibā.
Amen.*

KAI UZAVEST BAZNEICĀ

Īdams uz bazneicu, padūmoj, ka ej pagūdynōt Dīvu sv. Mises upurī, kurā tu pīsadaleisi.

Īejūt bazneicā, nūsamet ceļūs pretim golvonajam oltoram, kur tabernakulā atsarūn Jezus Vysusvātōkajā Sakramentā, un sveicynoj Jezu, sokūt:

„Lai tūp cīneits un gūdynōts Vysusvātōkais Sakraments, myusu Kunga Jezus Kristus eistyna Mīsa un Asnis.”

Pyrms sv. Mises sōkuma padūmoj, par kū Dīvam jōpasateic, par kū jōlyudz pīdūšona, kas jōlyudz sev, sovai gimenei, tyvinīkim, pasauļam.

Padūmoj ari, voi dreiksti pījimt sv. Komuniju. Kotrā sv. Misē bytu jōpījem Kungu Jezu Vysusvātōkajā Sakramentā, jo tikai tai mes pilneigā veidā pīsadolam sv. Mises upurī. Ja tūmār sirdsapziņa tev pōrmat kaidu smogu grāku, tad vyspyrms jōīt uz grāksyudzi. Ikdīniškus grākus Dīvs pīdūd, ja nūžālojam tūs sv. Mises sōkumā, un sv. Komunija paleidz mums atsabeivōt nu mozim grākim.

Pyrms sv. Mises

Myužeigais un žālsirdeigais Dīvs,
ar vysu sovu mīlestebu es Tevi lyudzu:
atlaup man pīsadaleit
šymā svātajā bezasiņu upurī,
kurā īmīsotō Vōrda
mīsa, dvēsele un dīviškeiba
tīk upurāta par mani un vysu cilvēci.

Lai šys upurs
mani atbreivoj nu vysim munim grākim,
lai es bytu cīneigs īt Tovā valsteibā,
slavēt un gūdynōt Tevi myužeigi myužūs.
Amen.

Sevis veļteišona Dīvam, sv. Mises laikā

Kungs,
es upureju sevi piļneibā Tev.
Tu esi olūts vysam, kas maņ pīder.
Muna dvēsele un mīsa ir Tova,
un ar šū breidi
ari munom dūmom, vōrdim un dorbit
jōbyut vārstim vīneigi uz Tevi.
Lyudzu, meilais Dīvs,
atbreivoj mani nu ļaunuma,
lai šymā svātajā upurī
es varātu sajimt
daleņu nu Tovu ryugtūs cīsšonu nūpalnim
un Tovu želesteibu. Amen.



SVĀTO MISE

*Jezu,
Tu esi Dzeivō Maize,
kas nōkuse nu debesim
un dūta par dzeiveibu pasauļam.
Tu asneigā upurī uz krysta
atdevi sevi aizmyuzeigajam Tāvam,
lai atpesteitu cilvēci.*

*Bet TAGAD, Tu kotru dīnu
upurej sevi uz myusu oltorim
caur sovu prīsteru rūkom,
lai vysōs sirdīs īnōktu
patīseibas un dzeiveibas,
svātuma un žēlesteibas,
taisneibas, mīlestieibas un mīra
valsteiba.*

sv. pāvests Jōns XXIII

MES CEĻŪS KREITAM Tovā prīškā Dīvs,
pēc žēlesteibas Tovas lyudzūtīs.
Ticeibā dzeivā, sirds pazemeibā
upuri sōcam Tovam gūdam mes.

Svētej myus, Jezu dīviškeigō Sirds,
lai dzeive skaidra tai kai olūts irdz.
Nu pūsta sorgoj mōjūkļus, laukus,
lai labi klōjās mums pi Tovas Sirds.

Dzeivīm, Kungs Jezu, žēlesteibu dūd,
myrušī Tevī atdusu lai rūn.

Nu kara sorgoj, nu eļnes brīsmem,
cilvēci svētej, lobus laikus dūd!

Pret Tevi nūkreit ceļūs cylvāks vōjš,
Tu myusu Dīvs un vysa Radeitōjs:
mes Tovi bārni – cylvāki vysi,
uz debessmōjom ved myus, Pesteitōj.

Tev pīder myusu sirdis, Kungs un Dīvs,
uz svātlaimēibu ceram mes ikvīns.

Kungs, pīdūd vaines mums, grēcinīkim,
uzklausi žēleigs, kod mes lyudzamīs!

Dīvs Tāvs, Dāls, Svāts Gors, Tevi slavejam,
Tev Treisvīneigam gūdu atdūdam.
Lai pateiceiba Tev myužu myužos
par žēlesteibom, kū mes sajamam.

SV. MISES KĀRTEIBA**ĪVODA RITS****Īvoddzīsme un sveicīns**

*Pīgōjis pi oltora, prīsters tū pagūdynoj nūskupstūt.
Prīsters un tauta apzeimej sevi ar krysta zeimi.*

Prīsters:

Dīva Tāva un Dāla,
un Svātō Gora vōrdā.

Tauta: Amen.

Prīsters sveicynoj kristēigū tautu sokūt:

Mysu Kunga Jezus Kristus žēlesteiba un
Dīva mīlesteiba, un Svātō Gora klōtbyutne
lai ir ar jums vysim.

Voi:

Dīvs Kungs lai ir ar jums.

Veiskups soka:

Mīrs jums.

Tauta: Kungs ir ar tevi.

GRĀKU NŪŽĀLAS AKTS

*Prīsters uzaicynoj ticeigūs nūžālōt grākus,
saceidams:*

Brōli un mōsas Kristū!
Nūžālōsim sovus grākus, lai mes cieneigi
varātu pīsadaleit šymā svātōs Mises upurī!
Sekoj eiss klusuma breidis.

Vysi:

**Es atsazeistu Vysuvarenajam Dīvam
un jums brōli un mōsas,
ka es daudz asmu grākōjis ar dūmom, vōrdim,
dorbim un nūlaideibu.
*sytūt sev kryutīs***
Muna vaine, muna vaine, muna vyslelōkō vaine.
tōļok turpynoј

Tōdēļ es lyudzu Vysusvātōkū Jaunavu Mariju,
vysus enģeļus un svātūs, un jyusus, brōli un
mōsas, aizlyugt par mani Kungu, myusu Dīvu.

Prīsters nūslāgumā pīvīnoj:

Lai apsažāloj par mums vysuvarenais Dīvs
un, pīdevis myusu grākus, lai aizvad myusus
myužeigajā dzeivē.
Tauta: Amen.

INVOKACIJAS (SAUCĪNI) UZ JEZU KRISTU

Prīsters:

Kungs, apsažāloj par mums.
Kristu, apsažāloj par mums.
Kungs, apsažāloj par mums.

Tauta:

Kungs, apsažāloj par mums.
Kristu, apsažāloj par mums.
Kungs, apsažāloj par mums.

Voi:

Prīsters:

Kyrie, eleison.
Christe, eleison.
Kyrie, eleison.

Tauta:

Kyrie, eleison.
Christe, eleison.
Kyrie, eleison.

HIMNA DĪVA GŪDAM



GŪDS DĪVAM AUGSTUMŪS,
un mīrs vērs zemes lobas grybas cylvākim.
Mes Tevi slavejam, teicam un pīlyudzam,
mes Tev pasateicam un Tevi cyldynojam,
jo lela ir Tova gūdeiba,
Kungs, dabasu Karali, Dīvs, vysuvarenais Tāvs.
Dīvs, vīnpīdzymušais Dāls, Jezu Kristu,
Tu, Kungs Dīvs, Dīva Jārs,
Tāva Dēls, Tu nūceļ pasauļa grākus,
apsažāloj par mums.
Tu nūceļ pasauļa grākus,
uzklausi myusu lyugšonu.
Tu sēdi pi Tāva lobōs rūkas,
apsažāloj par mums.
Vīneigi Tu esi svāts,
vīneigi Tu esi Kungs,
Tu – vysuaugstōkais, Kungs Jezu Kristu,
ar Svātū Goru – Dīva Tāva gūdeibā. Amen.

SV. MISES LYUGŠONA – KOLEKTA


Pēc himnas prīstera aicynoj:

Lyugsimēs.

Prīster dzīd voi losa Mises lyugšonu,

kuras nūslāgumā vysi atbild:

Amen.



*TOVA LYUGŠONA IR SARUNA AR DĪVU.
KOD TU LOSI SVĀTŪS ROKSTUS,
DĪVS UZRUNOJ TEVI;
KOD TU LYUDZĪS,
TU UZRUNOJ DĪVU.*

sv. Augustins

DĪVA VŌRDA LITURGIJA

Lasejumi nu Svātajim Rokstīm

Vysi sēžūt klausōs. Pēc pyrmō un ūtrō lasejuma lektors soka:

Tī ir Svātūs Rokstu vōrdi.

Tauta: Pateiceiba Dīvam.

(Parostojōs dīnōs tīk laseits vīns lasejums.)

Sekoj psalms. Tauta atkōrtoj refrenu.

Evangelijs**Tauta pīsacej.**

Sekoj pyrmsevangelija dzīdōjums, kū īvoda aklamacija **Alleluja** (izjemūt Lelō gavēņa laiku).

Prīsters, nūsalīcis pret oltoru, klusom lyudzās:

Vysuvareigais Dīvs, škeistej munu sirdi un munas lyupas, lai es varātu cīneigi sludynōt Tovu svātū Evangeliju.

Pēc tam soka:

Dīvs Kungs lai ir ar jums.

Tauta: Kungs ir ar Tevi.

Prīsters turpynoj:

Lasejums nu Jezus Kristus Evangelija,
kū uzrakstejis svātais Matejs
(Marks, Lukass, Jōns).

Prīsters un tauta apzemej sevi ar trejs mozajom krysta zeimem – uz pīres, lyupom un sirds.

Tauta: Gūds Dīvam.

Sekoj Evangelijs. Pabeidzis laseit, prīsters soka:

Tī ir Svātūs Rokstu vōrdi.

Vysi: Slava Kristum.

Prīsters nūskupsta Evangelija grōmotu, klusom saceidams:

Evangelija vōrdi lai dzēš mūsu vainas.

Sekoj homilija (spredikis).

Ticeibas aplīcynōjums

ES TYCU uz vīnu Dīvu, vysuvareigū Tāvu,
dabasu un zemes, vysu radzamū un naradzamū
lītu Radeitōju.

Es tycu uz vīnu Kungu Jezu Kristu,
vīnpīdzymušū Dīva Dālu, pyrms vysim myžim
nu Tāva dzymdynōtu,

Dīvu nu Dīva, gaismu nu gaismas,
patīsu Dīvu nu patīsa Dīva dzymdynōtu, na
radeitu, byuteibā leidzeigu Tāvam, un caur kuru
vyss ir radeits un kurš myusu dēļ un myusu
pesteišonas lobā ir nōcis nu dabasim īmīsōjīs
caur Svātū Goru nu Jaunovas Marijas un klivis
cyvāks.

Krystā pīkolts par mums Poncija Pilata laikā,
cītis un apglobōts, trešajā dīnā augšanmcēlīs, kai
pravītōts Rokstūs.

Uzkōpis debesīs, sēž pi Tāva lobōs rūkas
un atkon gūdeibā atnōks tīsot dzeivūs un
myrušūs, un jō valdeišonai nabyus gola.

Es tycu uz Svātū Goru, Kungu un Atdzeivynōtōju,
kas nu Tāva un Dāla izīt, kas ar Tāvu un Dālu
teik leidzeigi pīlyugts un slaveits, kas ir runōjis
caur pravīšim.

Es ticu uz vienu – svātu, katolisku un apostolisku – Bazneicu.

Es atzeistu vīnu kristieibu grāku pīdūšonai,
gaidu myrušūs augšanceļšonūs
un dzeivi nōkamajā myužeibā. Amen.

Vyspōrejō lyugšona

Prīsters losa lyugšonas, vysi atbild:

Mes tevi lyudzam,
Kungs un Dīvs.

voi:

Tevi lyudzam, Kungs un Dīvs,
uzklausī myus.

EUHARISTISKĀ LITURGIJA**Upurdōvonu (maizes un veina) upurēšona**

Nūteik upurdōvonu pīnesšona un sagatavošona

Upurejūt maizi:

Mes slavejam Tevi, Dīvs,
vysa pasauļa Valdnīk,
jo nu Tovas deveibas
asam sajāmuši maizi,
kū Tev upurejam,
šū zemes un cylvāku
dorba augli,
kas klyus mums par
dzeiveibas maizi.

***Vysi:***

Lai Dīvs ir myužam slaveits.

Prīsters (īlejūt bikerī veinu un dažus pilīņus yudiņa):

Łauņ, Kungs,
lai ar šō yudiņa un veina
konsekraciju
mes varātu jīmt
daleibu Kristus dīviškeibā,
kurs ir vēlējīs pījimt
myusu cilvēciskū dobu.



Upurejūt veinu:

Mes slavejam Tevi,
Dīvs,
vysa pasauļa
Valdnīk,
jo nu Tovas deveibas
asam sajāmuši veinu,
kū Tev upurejam,
šū veinakūka un cylvāku dorba augli,
kas klyus mums par goreigū dzērīni.

Vysi:

Lai Dīvs ir myužam slaveits.

Prīsters:

Kungs Dīvs, uzjem myus,
kas nōkam pi Tevis
pazemeibas gorā un satrīktom sirdim,
lyugdami, lai šudiņ myusu upurs Tev ir pateikams.

Prīsters mozgoj rūkas, klusom lyudzūtīs:

Mozgoj mani, Dīvs,
teiru nu nūzīdzeibas traipa
un škeistej mani nu grāka.

Prīsters pasagrīzs pret tautu, soka:

Lyudzitēs, brōli un mōsas,
lai Dīvs, vysuvarenais Tāvs,
pījem šū munu un jyusu upuri.

Vysi:

Lai Kungs pījem šū upuri
par gūdu un slavu sovam vōrdam,
par lobu mums
un vysai Jō svātajai Bazneicai.

Prīsters losa upurēšonas lyugšonu, kuras nūslā-gumā vysi atbild:

Amen.

I EUHARISTISKŌ LYUGŠONA

(Pateiceibas un svātdareišonas lyugšona)

Prīsters: Dīvs Kungs, lai ir ar jums.

Tauta: Kungs ir ar Tevi.

Prīsters: Uz augšu sirdis.

Tauta: Myusu sirdis ir pi Kunga.

Prīsters: Pasateiksim Kungam, myusu
Dīvam.

Tauta: Tys ir labi un taisneigi.

*Sekoj prefacija (pateiceibas dzīsme), kas beidzās ar
kūpeigu aklamaciju:*

Svāts, svāts, svāts ir Kungs,
Debesspulkus Dīvs,
Debess un zeme ir tovas gūdeibas pylna.
Hosanna augstumūs.
Svēteigs, kas nōk Kunga vōrdā.
Hosanna augstumūs.

Sanctus, sanctus, sanctus
Dominus Deus Sabaoth.
Pleni sunt caeli et terra gloria tua.
Hosanna in excelsis.
Benedictus qui venit in nomine Domini.
Hosanna in excelsis.

II EUHARISTISKŌ LYUGŠONA**Prefacijā**

Patiši, tys ir labi un taisneigi, pareizi un svēteigi,
ka Tev, dabasu Tāvs,
mes pasateicam vīnmār un vysur
caur Tavu mīlōtū Dālu Jezu Kristu –
Tovu Vōrdu, ar kuru Tu radeji vysu.
Jū Tu syuteji mums, kai Glōbēju un Pesteitōju,
īsamīsōjušu nu Svātō Gora
un nu Jaunovas dzymušu,
kurs, pyldūt Tāva grybu,
Tev atgyudams svātu tautu,
cīssonōs izstīpe sovas rūkas pi krysta kūka,
lai salauztu nōves varu
un atklōtu augšanceļšonōs gūdeibu.
Un tōpēc kūpā ar eņgelim un vysim svātajim
mes teicam Tovu gūdu vīnōtā bolsās sokūt:

Svāts, svāts, svāts ir Kungs, Debesspulku Dīvs,
Debess un zeme ir tovas gūdeibas pylna.

Hosanna augstumūs.

Svēteigs, kas nōk Kunga vōrdā.

Hosanna augstumūs.

Sanctus, sanctus, sanctus Dominus Deus Sabaoth.

Pleni sunt caeli et terra gloria tua.

Hosanna in excelsis.

Benedictus qui venit in nomine Domini.

Hosanna in excelsis.

Pacēlis rūkas, prīsters lyudzās:

Kungs, Tu esi patīši svāts, vysa svātuma olūts.

Tōpēc mes Tevi lyudzam, dori svātas šōs dōvonas ar
sova Gora spāku,



***Salicis rūkas, prīsters apzeimej ar
krysta zeimi maizi un bikeri***

lai tōs mums tūp par myusu Kunga Jezus Kristus Mīsu
un Asni.

KONSEKRACIJA (PŌRVĒRSŠONA)

Kod jys lobprōteigi atsadeve cīššonom,
jys jēme maizi, pasateice, lauze
un deve sovim mōcekļim, saceidams:

*Prīsters tur rūkōs maizi un atkōrtoj
Kristus saceitūs vōrdus*

**Jemit un ēdit nu tōs vysi,
jo tei ir muna Mīsa,
kas par jums tiks atdūta.**

*Prīsters paceļ konsekrātū
(pōrvārstū) Hostiju un parōda tautai.
Pēc tam, turādams bikeri,
prīsters soka:*

Tai pat pēc vakareņom jys jēme ari bikeri,
pasateice vēlreiz un deve sovim mōceklim,
saceidams:

Prīsters atkōrtoj Kristus saceitūs vōrdus
**Jemit un dzerit nu tō vysi,
jo tys ir munu Jaunōs un myužeigōs dereibas
Ašņa bikers, kas par jums un par daudzim
tiks izlīts grāku pīdūšonai.
Dorit tū munai pīmiņai.**

Prīsters bikeri parōda tautai.

Pēc tam soka: Lyuk, ticeibas nūslāpums.

Tauta: Mes vēsteisim par Tovu nōvi, Kungs, un līcynōsim par Tovu augšanceļšons leidz pat Tovai atnōkšonai.

PĒC KONSEKRACIJAS (PŌRVĒRSŠONAS)

Prīsters lyudzās tōlōk:

Tōpēc, pīmynādami Tava vīnpīdzymušō Dāla
nōvi un augšanceļšonūs,
mes upurejam Tev, Kungs,
šū dzeiveibas maizi un pesteišonas bikeri
un pasateicam, ka mums esi ļōvis
stōvēt Tovā prīkšā un Tev kolpōt.

Mes pazemeigi lyudzam,
lai Svātais Gors vīnoj myusus vysus,
kas pījimsim Kristus Mīsu un Asni.

Atcerīs, Kungs, sovu Bazneicu vysā pasaulī
un lic tai pīaugt mīlesteibā
leidz ar myusu pāvestu N., ar myusu veiskupu N.
un ar vysim goreidznīkim.

Atcerīs ari myusu brōļus,
kas ir aizmyguši ar cereibu uz augšanceļšonūs,
kai ari vysus, kas ir myuši Tovā žēlesteibā,
un ļauņ jim redzēt Tovu vaigu.

Apsažāloj par mums vysim mes Tevi lyudzam,
lai kūpā ar svātū Dīva Mōti Jaunovu Mariju,
svātajim apostolim un vysim svātajim,
kas Tev ir bejuši pateikami nu myužim,
ari mes klyuntu myužeigōs dzeives cīneigi
un varātu Tevi teikt un slavēt
caur Tovu Dālu Jezu Kristu.

*Prīsters pajem bikeri un patenu ar
Hostiju un pacaldams soka:*

Caur Jezu Kristu, ar jū un jimā,
Tev, Dīvam, vysuvarenajam Tāvam,
Svātō Gora vīneibā
ir vyss gūds un slava
vysūs myužu myužūs.

Tauta: Amen.

III EUHARISTISKŌ LYUGŠONA

Kungs, Tu esi patīši svāts,
 Tev pīsanōk gūds nu ikvīnas radeibas,
 jo caur Tovu Dālu, myusu Kungu Jezu Kristu,
 un Svātū Goru
 Tu vysu dzeivynoj un dori svātu,
 un namiteigi pulcynoj sev tautu,
 lai nu saules lākta leidz pat rītam
 tyktu upurāts Tovam vōrdam par gūdu teirs
 upurs.

Dziļā pazemeibā mes Tevi lyudzam, Kungs,
 svātī šōs myusu upurdōvonas
 tō poša Svātō Gora spākā,

*Prīstera salīk rūkas un apzeimej ar krusta zīmi
 maizi un bīkeri ar veinu, sacīdams:*

lai tōs mums tūp par Tova Dāla,
 myusu Kunga
 Jezus Kristus, Mīsu un Asni,
 jo pēc jō pavēles mes svynam šū nūslāpumu.

Konsekracija (pōrvērsšona)

Tymā vokorā, kod jū nūdeve, jys jēme maizi, Tev pasateikdams, svēteja, lauze un deve sovim mōce-kļim saceidams.

**Jemit un ēdit nu tōs vysi,
jo tei ir muna Mīsa,
kas par jums tiks atdūta.**

Prīstera paceļ Hostiju un parōda tautai.

Taipat pēc vakareņom jys jēme ari bikeri,
Tev pasateikdams, svēteja un deve sovim mōcekļim,
saceidams:

**Jemit un dzerit nu tō vysi,
jo tys ir munu
Jaunōs un myužeigōs dereibas
Ašņa bikers,
kas par jums un par daudzim
tiks izlīts grāku pīdūšonai.
Dorit tū munai pīmiņai.**

Prīstera bikeri parōda tautai.

Pēc tam soka:

Lyuk, ticeibas nūslāpums.

Tauta: Mes vēsteisim par Tovu nōvi, Kungs,
un līcynōsim par Tovu augšanceļšonūs
leidz pat Tovai atnōkšonai.

Pēc konsekracijas (pōrvēršonas)

Prīsters lyudzās tōlōk:

Tōpēc, pīmynādami, Kungs,

Tova Dāla cīssonas, kas nese mums, pesteišonu,

atcerūtīs Jō breiniškeigū augšanceļšonūs

un uzkōpšonu debesīs,

kai ari gaidūt Jō ūtrreizejū atnōkšonu, mes ar
pateiceibu Tev upurejam šū dzeivū un svātū upuri.

Raugīs, lyudzam, uz sovas Bazneicas upurdōvonu,

uz tū Upuri, kas myusus samīrynoja ar Tevi,

lai mes, pījimdami Tova Dāla Mīsu un Asni,

sajimtu jō Svātū Goru un klyytu vīna mīsa

un vīns gors ar Kristu.

Jys, lai myusus padora par mūyužeigū dōvonu Tev,
ļaunūt mums sajimt montōjumu

kūpā ar Tovim izradzātajim, ar Vysusvātōkū Jaunovu
Dīva Mōti Mariju, ar Tovim svātajim apostolim un
gūdpylnajim mūceklim, (ar svātū..., kura dīnu šudiņ
svynam)

un vysim svātajim, kas mums paleidz,
pastōveigi aizbyldynūt pi Tevis.

Mes Tevi lyudzam, Kungs,

lai šys myusu izleiguma Upurs

nas vysam pasauļam mīru un pesteišonu.

Styprynoj ticeibā un mīlestebibā

vysu sovu Bazneicu šōs zemes gaitōs,
sovū kolpu, myusu pāvestu... un myusu veiskupu...,
vysus veiskupus un goreidznīkus,
kai ari sovu tautu, kū esi atpērcis.
Esi labvēleigs sovai saimei,
kas ir nōkuse pi Tevis ar lyugšonom.
Ved pi sevis, lobais Tāvs,
ari tūs sovus bārnus, kas ir tōli nu Tevis.
Bet myusu myrušūs brōļus un vysus,
kas Tovā žālsirdeibā aizgōjuši nu šō pasauļa,
uzjem sovā valsteibā,
kur ari mes ceram nūklyut,
lai vīnmār skateitu Tovu gūdeibu
caur Jezu Kristu, mysu Kungu,
caur kuru Tu pasauļam dūd vysu lobū.

*Prīsters pajem bikeri un patenu ar
hostiju un pacaldams soka:*

Caur Jezu Kristu, ar jū un jīmā,
Tev - Dīvam, vysuvarenajam Tāvam, Svātō Gora
vīneibā ir vyss gūds un slava vysūs myužu myužūs.
Tauta: Amen.

SV. KOMUNIJAS RITS**Kunga lyugšona**

Prīsters: Paklausūt Pesteitōja vōrdim
un Jō dīviškū lykumu pyldūt,
mes ar paļōveibu sokom:

Tāvs myusu, kas esi debesīs,
svēteits lai tūp Tovs vōrds, lai atnōk Tova valsteiba,
Tova vaļa lai nūteik kai debesīs,
tai ari vērs zemes.

Myusu ikdīnišū maizi dūd mums šudiņ
un pīdūd mums myusu porōdus, kai ari mes pīdūdam
sovim porōdnīkim,
un naīved myusus kārdynōšonā,
bet atpestej myusus nu ļauna.

Pater noster, qui es in caelis,
sanctificetur nomen tuum,
adveniat regnum tuum,
fiat voluntas tua,
sicut in caelo, et in terra.

Panem nostrum cotidianum da nobis hodie;
et dimitte nobis debita nostra,
sicut et nos dimittimus debitoribus nostris;
et ne nos inducas in temptationem;
sed libera nos a malo.

Prīsters: Atpestej myusus, Kungs, nu vysa jauna,
dūd, lyudzam, mīru myusu dīnōs,
lai ar Tovu žēlesteibu mes byutu pasorgōti
nu kotras nalaimes un grāka,
drūšā cereibā gaidūt atnōkam
myusu Pesteitōju, Kungu Jezu Kristu.

Vysi: Jo Tev pīder valsteiba,
 Tev gūds un vara myužeigi.

Lyugšona par mīru

Prīsters: Kungs Jezu Kristu,
kas esi sacejis sovim apostolim:
„Es jums atstōju mīru,
es jums dūdu sovu mīru”,
raugīs navys uz myusu grākim,
bet uz sovas bazneicas ticeibu
un styprynoj vysā kristeigū saimē
sovu mīru un vīneibu.
Mes Tevi lyudzam,
kas dzīvoj un voldi myužu myužūs.

Vysi: Amen.

Mīra sveicīņš

Prīsters pasagrīž pret tautu un soka:

Lai Dīva mīrs ir ar jums vīnmār.

Tauta: Dīva mīrs lai ir ar tevi.

Prīsters:

Snēdzit vīns ūtram
mīra un izleiguma zeimi.



(Ticeigī snēdz vīns ūtram rūku voi palūka golvu par zeimi tam, ka vysim pīdūd.)

Maizes lausšona

Prīsters lauž Hostiju vērs patenas un vīnu daleļu īlīk bikerī, saceidams:

Myusu Kunga Jezus Kristus
Mīsas un Ašņa Sakraments,
kuru pījimsim,
lai paleidz mums sasnīgt myužeigū dzeivi.



*Pa tū laiku tīk dzīdōts voi recitēts:
Dīva Jārs, kas nūceļ pasauļa grākus,
 apsažāloj par mums.
Dīva Jārs, kas nūceļ pasauļa grākus,
 apsažāloj par mums.
Dīva Jārs, kas nūceļ pasauļa grākus,
 dōvoj mums mīru.*

Agnus Dei, qui tollis peccata mundi,
miserere nobis.

Agnus Dei, qui tollis peccata mundi,
miserere nobis.

Agnus Dei, qui tollis peccata mundi,
dona nobis pacem.

Lyugšona pyrms sv. Komunijas

Prīsters (klusom):

Kungs Jezu Kristu,
Tu, dzeivō Dīva Dāls,
kas, pyldūt Tāva gribu, Svātō Gora spākā
ar sovu nōvi izglōbi myusus jaunai dzeivei,
atbreivoj mani ar sovu Vysusvātū Mīsu un Asni
nu vysim munim grākim un nu vysa ļauna,
lic maņ vīnmār turētīs pi Tovom bausleibom
un naļauņ maņ nikod nu Tevis šķērtīs.



*Mozajā, boltajā Hostijā
rūnama
vysbreiniškeigōkō mīlesteiba,
par kaidu jebkod dzērdāts,
jo Jezus Svātajā Hostijā klyust mozs,
lai lyktu pīaugt
sovai dīviškajai dzeivei myusūs.*

Tāvs Mōrteņš Vincents Lučia

*Dīvs myusus sorgoj,
jo asam vōji.*

*Kod Dīvs gribēja dūt dvēselei breiveibu,
lai uzturātu tymā dzeiveibu,
jis ītvēre sovā skatīnī vysu radeibu,
taču naatroda nikū
kas byutu šō uzdevuma cīneigs.*

Tod Dīvs nūlēme dūt pats sevi.


Ak, muna dvēsele!

*Cik svareiga tu esi,
ja jau vīneigi Dīvs var tevi apmīrynōt!
Dvēseles bareiba ir Dīva Mīsa un Asnis!*

sv. Jōns Marija Vianejs

SVĀTĀ KOMŪNIJA

Prīsters, rōdūt Hostiju tautai, soka:



**Lūk, Dīva Jārs,
kas nūcel pasauļa grākus.
Svēteigi tī,
kurus Dīvs aicynoj pi sova golda.**

Vysi:

**Kungs, es naasmu cīneigs,
ka Tu nōktu pi manis,
bet soki tikai vōrdu,
un muna dvēsele klyus vasala.**

*Prīsters, pījemūt Kristus Mīsu un Asni, klusom lyudzās:
Kristus Mīsa lai pasorgoj mani myužeigajai dzeivei.
Kristus Asnis lai pasorgoj mani myužeigajai dzeivei.*

Prīsters dola ticeigajim Vysusvātōkū Sakramantu,
Kristus Mīsu un Asni, sokūt:



CORPUS CHRISTI (KRISTUS MĪSA).

Ticeigais atbild: Amen.

(Ticeigī, sajāmuši Vysusvātōkū Sakramantu, pavoda
breidi klusumā voi dzižūt pasateic Dīvam par sajim-
tajom žēlesteibom.)

Prīsters atsagrīzs pi oltora:

Kungs, lic mums vīnmār ar teiru sirdi
pjimt šū Sakramantu,
kū esi devis par dzīdynōjumu
myusu dvēselem.

Lyugšona pēc sv. Komunijas

Prīsters losa lyugšonu, kū pabeidz ar vōrdim:
Caur Jezu Kristu, myusu Kungu.

Vysi: Amen.

NŪSLĀGUMA RITS***Pristers svētej tautu:***

- P.** Dīvs Kungs, lai ir ar jums.
- V.** Kungs ir ar tevi.
- P.** Lai svētej jyusus vysuvarenais Dīvs, Tāvs un Dāls,
† un Svātais Gors.
- V.** Amen.
- P.** Dīva žēlesteiba, lai jyusus pavoda.
- V.** Pateiceiba Dīvam.

Veiskups svētej tautu:

- B.** Dīvs Kungs lai ir ar jums.
- V.** Kungs ir ar tevi.
- B.** Lai Kunga Vōrds ir slavēts.
- V.** Nu šō laika un myužam.
- B.** Myusu paleidzeiba Kunga Vōrdā.
- V.** Kas ir radejis dabasus un zemi.
- B.** Lai svētej jyusus vysuvareigais Dīvs, † Tāvs un †
Dāls, un † Svātais Gors.
- V.** Amen.
- B.** Dīva žēlesteiba, lai jyusus pavoda.
- V.** Pateiceiba Dīvam.

Latiniski:

Episcopus:

Dominus vobiscum.

Omnes:

Et cum spiritu tuo.

- E.** Sit nomen Domini benedictum.
- O.** Ex hoc nunc et usque in saeculum.
- E.** Adjutorium nostrum in nomine Domini.
- O.** Qui fecit caelum et terram.
- E.** Benedicat vos omnipotens Deus † Pater et
† Filius et † Spiritus Sanctus.
- O.** Amen.
- E.** Ite Missa est.
- O.** Deo gratias.



*Kod jyus skotitēs uz krucifīksu,
jyus saprūtat, cik ļūti Jezus jyusus ir mīlōjis.
Bet, kod skotitēs uz svāto Hostiju,
jyus saprūtat, cik ļūti Jezus jyusus MĪŁOJ TAGAD.*

Môte Tereze

*Nikur uz zemes jyus nateikat tai gaideiti,
nikur uz zemes nateikat tai mīlōti,
kai tī, kur ir Jezus,
patīši klōtasūšs Vysusvātōkajā
Sakramēntā.*

*Laiks, kuru jyus pavodot
Vysusvātōkō Sakramēnta – Jezus – prīškā,
ir uz zemes vyslobōk izlītōtais laiks.*

*Kotrs breids, kuru jyus pavodot kūpā ar
Jezu, padziļinōs jyusu vīneibu ar jū un
dareis jyusu dvēseli laimeigōku un
skaistōku uz myužeigim laikim debesīs.*

Mōte Tereze

KUNGS DĪVS VYSUSVĀTAJĀ HOSTIJĀ,
myus ved uz debess laimeibu!
Šōs dzeives ceiņu īlejā
mes lyudzam Tovu svēteibu.

Dīvs, Trejadeibā vīneigais,
Tev slava vysā myužeibā!
Kod celš mums beigsīs laiceigais,
myus pījem sovā valsteibā. Amen.

O SALUTARIS HOSTIA,
Quae caeli pandis ostium,
Bella premunt hostilia,
Da robur, fer auxilium.

Uni trinoque Domino
Sit sempiterna gloria:
Qui vitam sine termino
Nobis donet in patria. Amen.

VYSUSVĀTŪ SAKRAMENTU
gūdbejeigi pīlyudzam.
Maizes zeimēs klōtasūšū
Kungu Dīvu slavejam
ticeibā un paļōveibā
viņa vōrdam svātajam.
Dīvam Tāvam, Dīvam Dālam
lai ir slava myužeiga
debesīs un vysā zemē
nu ikvīnas radeibas.
Goram Svātajam, lai vysod
pīlyugšona leidzeiga. Amen.

TANTUM ERGO SACRAMENTUM
Veneremur cernui:
Et antiquum documentum
Novo cedat ritui:
Praestet fides supplementum
Sensuum defectui.
Genitori, Genitoque
Laus et iubilatio,
Salus, honor, virtus quoque
Sit et benedictio:
Procedenti ab utroque
Compar sit laudatio. Amen.

R. Dīvs, Tu esi mums dōvōjis dabasu maizi.
V. Jei nas mums Tovu žēlesteibu.

V. Panem de caelo praestitisti eis.
R. Omne delectamentum in se habentem.

Lyugsimēs.

Kungs Jezu, kas esi mums atstōjis Vysusvātōkū
Sakramantu par pīmiņu sovom cīššonom, lic, lai mes
Tovas Mīsas un Ašņa svātū nūslāpumu tai gūdynojam,
ka varātu pastōveigi sajimt Tovas pesteišonas augļus,
kū lyudzam nu Tevis, kas dzeivoj un voldi myužu
myužūs.

R. Amen.

Oremus.

Deus, qui nobis sub Sacramento mirabili
passionis tuae memoriam reliquisti, tribue
quaesumus, ita nos corporis et sanguinis tui sacra
mysteria venerari, ut redemptionis tuae fructum in
nobis iugiter sentiamus. Qui vivis et regnas in saecula
saeculorum.

R. Amen.



**Vysusvātōkō Jezus Sirds apsažāloj par mums.
Bezvaineigō Marijas Sirds, lūdz(īs) Dīvu par
mums.**

(Trejs reizes)

**Lai tūp cīneits un gūdynōts Vysusvātōkais
Sakraments, eistyna Mīsa un Asnis myusu Kunga
Jezus Kristus.**

(Trejs reizes)

SUPLIKACIJAS – SVĀTAIS DĪVS

Svātais Dīvs, svātais varenais Dīvs, svātais myužeigais Dīvs, apsažāloj par mums!

Nu mēra, boda, kara un ugunsgrāka pasargoj myus, Kungs un Dīvs!

Nu jaunas un nagaideitas nōves izglōb myus, Kungs un Dīvs!

Sovu svātū Bazneicu voldi un uzturi, mes Tevi lyudzam, Kungs un Dīvs!

Eistas grāku nūžālošonas žēlesteibu dūd(i) mums, mes Tevi lyudzam, Kungs un Dīvs!

Sovā svātā kalpōjumā myus stypyroj un uzturi, mes Tevi lyudzam, Kungs un Dīvs!

Myusu tāvu zemi sorgoj un svētej, mes Tevi lyudzam, Kungs un Dīvs!

Zemei augļus dūd(i) un uzturi, mes Tevi lyudzam, Kungs un Dīvs!

Mes, grēcinīki, Tevi, žēleigu Dīvu, lyudzam, uzklausi myus, Kungs un Dīvs!

Jezu, Jezu, Jezu, apsažāloj par mums!

Marija, Marija, Dīva Mōte, lyudz Dīvu par mums!

DĪVS, MES TEVI SLAVEJAM,
 Kungs, mes teicam Tovu spāku:
 jo Tu voldi pasauli,
 sovom rūkom caltū āku.
 Laiki īt un dīnas skrīn,
 Pavēlnīks Tu esi vīns.

2 reizes

Eņgeli un cylvāki,
 kū Tu debess laimei lēmis,
 dūd Tev gūdu augstōkū,
 radzūt tū, kū esi cēlis.
 Tikai Tu, Kungs, esi svāts
 un kas Tevis izvālāts.

2 reizes

Tāvs, kas esi debesīs,
 vysu lītu pyrmais sōkums:
 "Nūtieki vysod lai Tovs prōts!" –
 taids ir Tovu bārnu lyugums.
 Sovā dzeivē kotru dīn'
 mes Tev kolpōsim arvien.

2 reizes

Tu kai saule debesīs
 myusu dzeivē gaismu rōdi
 un caur dzeives gryuteibom
 myus pi sevis tyvōk vodi,
 lai mes Tovā valsteibā
 satyktūs reiz myužeibā,

2 reizes


Dīvs, mes Tevi slavejam,
Radeitōju, sovu Tāvu;
mīlōt Tevi nabeigsim,
žēlesteibā smēļūt spāku.
Sovu dzeivi veļtejam
tikai Tev mes vīneigam.

| 2 reizes

KRISTUS DVĒSELE, dori mani svātu.
Kristus Mīsa, atpestej mani.
Kristus Asnis, dzyrdynoj mani.
Yudiņs nu Kristus sōna, mozgoj mani.
Kristus cīššonas, styprynojit mani.
Lobais Jezu, uzklausi mani.
Tovōs brycēs paslēp mani.
Naļauņ nu Tevis šķērtīs maņ.
Nu ļaunō īnaidnīka pasorgoj mani.
Munā nōves stuņdē sauc mani,
pi Tevis nōkt aicynoj mani,
lai leidz ar Tovim svātajim
es slaveitu Tevi myužeigi. Amen.

sv. Ignācijs

*„Raug, es asmu kūpā ar jums
vysōs dīnōs leidz pat pasauļa beigom”.
Jezu,
myusu dēl Tu palyki tabernakulā,
monstrance,
lai mes varātu Tevi atrast,
kod vīn vālātūs.
Ak, mīlestības Dīvs,
kod gon mes byusim Tovi
na tikai mirkleigōs nūpyutōs,
dūmōs un vōrdūs,
bet ari konkretūs dorbūs!*



*„Pasaver uz šū Sirdi,
kas ir tai mīlōjuse cylvākus,
ka ir atdevuse tim sevi vysu,”
myusu Kungs saceja sv. Margaritai Alakokai.*

*Jezu,
caur sovu sirdi
Tu esi mums atklōjis
sovas mīlestiebas līsmu,
un vysvairōk Tu nu mums gaidi,
lai mes tycātu Tovai mīlestiebai.
Tōpēc mes nōkam Tovā prīkšā,
lai aplīcynōtu ticeibu Tovai mīlestiebai
un uzticeibu Tovai mīlestiebas pōrpylnajai
Sirdei.*

Mōte Tereze

**LITANIJA VYSUSVĀTŌKŌS JEZUS
SIRDS GŪDAM**

Kyrie, eleison!

Christe, eleison!

Kyrie, eleison!

Kristu, klausī myus!

Kristu, uzklausī mūyus!

Dīvs Tāvs nu debesim,

Dīvs Dāls pasauļa Pesteitōjs,

Dīvs Svātais Gors,

Svātō Treisvīneiba, vīns Dīvs,

Jezus Sirds, myužeigō Tāva Dālā,

Jezus Sirds, Jaunovas Mōtes mīsōs

Svātō Gora veidōta,

Jezus Sirds, ar Dīva Vōrdu byuteigi

vīnōta,

Jezus Sirds, bezgaleigō Majestate,

Jezus Sirds, svātō Dīva Svētneica,

Jezus Sirds, Vysuaugstōkō miteklis,

Jezus Sirds, Dīva noms un debesu

vōrti,

apsažāloj par mums!

Jezus Sirds, dagūšais mīlesteibas
gunkurs,
Jezus Sirds, taisneibas un mīlesteibas
krōtuve,
Jezus Sirds, lobuma un mīlesteibas pylna,
Jezus Sirds, vysu tykumu dzelme,
Jezus Sirds, ikvīnas slaves vysucīneiga,
Jezus Sirds, Valdneica un vysu siržu
vīnōtāja,
Jezus Sirds, kurā ir vyss gudreibas un
zineibu monts,
Jezus Sirds, kurā ir dīveibas piļneiba,
Jezus Sirds, kura Tāvam ļuti
labpatyka,
Jezus Sirds, nu kuras piļneibas mes
vysi asam sajāmuši,
Jezus Sirds, myužeigō pasauļa
ilgu mērkis,
Jezus Sirds, pacīteiga un ļuti
žālsirdeiga,
Jezus Sirds, bogōta vysim, kas Tevi
pīsauc,

apsažāloj par mums!

Jesus Sirds, dzeiveibas un svātuma olūts,
Jesus Sirds, pōrlyugums par myusu
grākim,
Jesus Sirds, neivōšonom seitynōta,
Jesus Sirds, satrīkta par myusu grākim,
Jesus Sirds, paklauseiga leidz pošai
nōvei,
Jesus Sirds, ar šķāpu pōrdūrta,
Jesus Sirds, visa iepriecinājuma avots,
Jēzus Sirds, myusu dzeiveiba un
augšancelšonōs,
Jesus Sirds, myusu mīrs un izleigšona,
Jesus Sirds, asneigais upurs par grākim,
Jesus Sirds, pesteišona tim, kas uz
Tevi cerej,
Jesus Sirds, cereiba mērstūšim Tevī,
Jesus Sirds, vysu svātū laimeiba,

Dīva Jārs, kas nūceļ pasauļa grākus,
atlaid mums, Kungs un Dīvs!
Dīva Jārs, kas nūceļ pasauļa grākus,
uzklausi mūs, Kungs un Dīvs!
Dīva Jārs, kas nūceļ pasauļa grākus,
apsāžaloj par mums!

apžēlojies par mums!

V. Jezu, lānprōteigs un pazemeigu Sirdi.

R. Dori myusu sirdis leidzeigas tovai Sirdei.

Lyugsimēs.

Vysuvarenais myužeigais Dīvs, raugīs uz sova mīlōtō Dāla Sirdi un uz tū slavu un gondareišonu, kū jei Tev snādz grēcinīku vōrdā, un tīm, kas lyudz Tovu žālsirdeibu, dōvoj pīdūšonu tō poša Tova Dāla Jezus Kristus vōrdā, kas ar Tevi Svātō Gora vīneibā dzeivoj un volda myužu myužūs. Amen.

CIĻVĒCES NŪVĒLĒŠONA VYSUSVĀTŌKAJAI JEZUS SIRDEI

Vysudōrgais Jezu, cilvēces Pesteitōjs, raugīs uz mums, kas dzīlā pazemeibā nūsastōjam uz celim Tovā prīškā. Mes asam Tovi un Tovi gribim palikt. Raug šudiņ ikvīns nu mums, grybādams vēļ cīšok vīnōtīs ar Tevi, vysā labprōteigi atvēlēj sevi Tovai Vysusvātōkajai Sirdei.

Skot, daudzi Tevis napazeist pa vysam, daudzi otkon, īneisdami Tovas bausleibas, ir Tevis aizalīguši.

Apsažāloj, ak lobais Jezu,kai par vīnim tai par ūtrim un pīveļc vysus pi Tovas Svātōs Sirds.

Ak, Kungs, esi Karalis na tikai tim ticeigīm, kas nikod nav Tevi aizmērsuši, bet ari tim pazudušajim dālim, kas Tevi ir atstōjuši: Dori, lai jī ūtrōk atsagrīztu Tāva mōjōs un napazustu nabadzeibā un bodā.

Esi Karalis ari tim, kas maļdeigu mōceibu pīkrōpti voi nasadereibas dēļ šķerti; ved jūs pi patīseibas un īved jūs ticeibas vīnōteibā, lai ūtri vīn byutu vīns gonamais pulks un vīns ganeitōjs.

Ak, Kungs, Kungs, pasorgoj sovu bazneicu un dūd jai drūšu breiveibu. Dūd vysom tautom kōrteibu un mieru. Dori, ka pa vysu zemi nu jōs gola leidz golam skanēt skanātu vīns bolss:

Gūds lai dīviškai Sirdei, caur kuru mums nōkuse
pesteišona. Jai lai ir slava un gūds myužeigi. Amen

HIMNA JEZUS SIRDS GŪDAM

Pretī Vysustōkam
Paceļ rūku zvārastam,
Latv' u tauta, svāts lai mums
Palīk senču montōjums.
Jezus Sirds, Tev zvēram tū:
Uzticeibu myužeigū!

Sovas tautas Aizstōvis –
Dīvs vysaugstais debesīs:
Myusus leidz pat laikim šim
Vodi cauri nagaisim.
Jezus Sirds, Tev zvēram tū:
Uzticeibu myužeigū!

Dīvs, pi Tevis mes patīš'
Gribim stypri turētīs.
Ticeiba, kas dūta mums,
Skaistōkais ir greznojums.
Jezus Sirds, Tev zvēram tū:
Uzticeibu myužeigū!

Saites, kuras vīnoj mys,
Saraut nivīns napagys.
Svāts ir vōrds, kas Dīvam dūts,
Uzticeiba – myusu gūds.
Jezus Sirds, Tev zvēram tū:
Uzticeibu myužeigū!



*Jezus patīši cīte par vysim cylvākim.
Patīši cīte un patīši tyka krystā syssts.
Labprōteigi,
navys pīspīdu kōrtā,
pijēmis cīssonas,
jys bogōtynōja vysu cilvēci.*

sv. Kirils no Jeruzalemes

JO VYSI TEVI ATSTŌTU

es Tevi naatstōšu!
Muns Pesteitōj, kur īsi Tu
es vysur leidza īšu.

Uz Kalvariжу īšu es
ar Tevi, Jezu Kristu,
ja ari mani pasauljs
pi krysta kūka systu.

Na tōdēļ Tev es sekōšu,
lai svātlaimi sev gyutu,
bet gon lai Tovōs cīšonōs
ar Tevi vīnōts byutu.

Kas zemes gūds un grezneiba,
ja nav tī Pesteitōja?
Muns prīks un gaišō laimeiba
pi krystā systō kōjom.

Kungs Jezu, mani pavodi,
šōs zemes ceļus ejūt,
un Tāva mōjōs aizvodi,
kad kōjas pagurs ceļot.

KRYSTACEĻŠ

„Lai jyus cyts cytu mīlōtu,
kai es jyusus asmu mīlōjis” (*Jη 13,34*).

*Šim vōrdim jōbyut na tikai gaismai
myusu ceļā,
bet ari līsmai,
kas sadadzynoj myusu egoismu,
jo tyss naļaun atsateisteit svātumam.*

*Jezus myusus mīlōja leidz golam,
leidz pat mīlestiebas golapunktam,
leidz krystam.*

*Mīlestiebai jōplyust nu myusu sirds,
nu myusu vīnōteibas ar Kristu.*

*Mīlestiebai uz Dīvu
jōbyut kaut kam tik dabiskam
kai dzeiveiba un elpas viļcīns.*

Môte Tereze

I nūstōšona

JEZUS PĪJEM NŌVES SPRĪDUMU

- V. **Mes pīlyudzam Tevi, Kungs Jezu Kristu, un Tevi slavejam.**
- R. **Jo ar sovu svātū krystu Tu esi atpestejis pasauli.**

Tei beja pīktdīna; pavasars. Gondreiž pyrms divom tyukstūšom godu. Dīna pyrms Leldīnu svātkim. Īpērkumu, cepšonas un kōrtōšonas dīna. Vysi steidzēs. Leidz vokoram vysi dorbi beja jōpabeidz.

Vysu nakti un reitu īnaidnīki maņ gatavōja nōves sprīdumu. Mani syta ar pōtogu, kas sastovēja no daudzom syksnom, kuru golūs beja īsīti metala goboli. Golvā maņ uzlyka capuri nu ērškim. Pilats nūmozgōja rūkas par zeimi tam, ka nauzskota sevi par vaineigu sprīduma pasludynōšonā, un nūtīsōja mani uz nōvi pi krysta. Cylvāki, kuri beja tī sasapulcējuši, klīdze: **Sit Jū krystā!** Jū sirdīs nabeja mīlestības. Tōs beja soltas un cītas kai akmiņs.

Es jyusus vysus ļūti mīloju un grybu, lai jyusu sirdīs mōjoj mīlestība. Lai jyus mīlōtu Dīvu, lai nikod nivīnam nadareitu pōri, lai jyus nasagōdōtu

cytim sōpes. Lai jyus aizstōveitu tūs, kurus tīsoj un nūsūda.

Lai jyus nikod nivīnam navēlētu nōvi... Lai jyus cyts cytu mīlōtu, kai es jyusus asmu mīlōjis.

Tāvs myusu..., Esi sveicynōta, Marija...
V. Krystā systais Kungs Jezu Kristu.
R. Apsažāloj par mums.

II nūstōšona**JEZUS JEM UZ SOVIM PLACIM KRYSTU**

- V. **Mes pīlyudzam Tevi, Kungs Jezu Kristu, un Tevi slavejam.**
- R. **Jo ar sovu svātū krystu Tu esi atpestejīs pasauli.**

Uz munim placim uzlyka krystu. Tys ir ļuti smogs - vysu jyusu slyktū dūmu, vōrdu, dorbu un nūlaideibas krysts. Es nasu šū krystu aiz mīlesteibas uz jums.

Muni meilī, Es grybu, lai jyus, uzlyukojūt krystu, vīnmār atcerītīs, cik ļuti es jyusus mīloju; ka asmu nūmiris pi krysta par jums. Es mīloju kotru nu jums, tōpēc mīlojīt cyts cytu, kai es jyusus asmu mīlōjis. Nauzkraunit cyts cytam tū dorbu un pīnōkumu smogumu, kas jōnas jums pošim. Ceņtitēs vysu dareit tai, lai neaapgryutynōtu cytus.

Tāvs myusu..., Esi sveicynōta, Marija...
V. Krustā systais Kungs Jezu Kristu.
R. Apsažāloj par mums.

III nūstōšona

JEZUS PYRMĀ REIZI PAKREIT, NASŪT KRYSTU

- V. **Mes pīlyudzam Tevi, Kungs Jezu Kristu, un Tevi slavejam.**
- R. **Jo ar sovu svātū krystu Tu esi atpestejis pasauli.**

Varbyut mani pagryude aiz ļaunuma, ļauna prīka pēc - lai pasasmītu par tū, ka es, ar asni nūplyudis, guļu ceļa putekļūs.

Cik sōpeigi ir, guļūt zemē pakrytušam, sajimt apkörtejūs cylvāku izsmīklu, nycynōjumu, zaimus un spērīņus. Cik sōpeigi ir, kod lobu atmoksoj ar ļaunu.

Prūtams, jums ir gryuši mīlōt tūs, kas jyusus nycynoj, dora pōri, taču jim ir napīcīšama jyusu paleidzeiba, jyusu lyugšonas, lai jī varātu klyut loboki.

Mīlojīt cyts cytu, jo es mīlōju ari tūs, kuri pīkola mani pi krysta kūka.

Tāvs myusu..., Esi sveicynōta, Marija...

V. Krystā systais Kungs Jezu Kristu.

R. Apsažāloj par mums.

IV nūstōšona**JEZUS SATEIK SOVU MŌTI**

- V. **Mes pīlyudzam Tevi, Kungs Jezu Kristu, un Tevi slavejam.**
- R. **Jo ar sovu svātū krystu Tu esi atpestejīs pasauli.**

Es zynōju, ka muna Mōte nōk leidza munā krystaceļā. Es zynōju, ka jōs sirdi ir pōrdyuris sōpu zūbyns, ka jei cīš kūpā ar mani. Muna Mōte zynōja, ka es eju atdūt sevi par vysa pasauļa grākim.

Voi jyus īsaskotot sovas mōtes acīs, kod jei raud, kod jei ir nūskumuse, kod jai ir gryuši? Voi jyus mīlojat cyts cytu, kai es jyusus asmu mīlōjis?

Tāvs myusu..., Esi sveicynōta, Marija...

V. Krystā systais Kungs Jezu Kristu.

R. Apsažāloj par mums.

V nūstōšona**KIRENES SEIMAŅS PALEIDZ JEZUM
NEST KRYSTU**

- V. **Mes pīlyudzam Tevi, Kungs Jezu Kristu, un Tevi
slavejam.**
- R. **Jo ar sovu svātū krystu Tu esi atpestejīs
pasauli.**

Seimaņs beja pabeidzis sovu dorbu teirumā, kad karaveiri pīspīde jū paleidzēt maņ nest krystu. Seimaņs beja nūguris un nagribēja cīst cyta vītā. Jys vēl nazynōja, kas es asmu.

Jyus varat man paleidzēt, ja mīreigi un bez kurnēšonas panessit sovas bādas un gryuteibas. Ja paleidzēsit cyts cytam. Ja mīlōsit cyts cytu, kai Es jyusus asmu mīlōjis.

- Tāvs myusu..., Esi sveicynōta, Marija...**
- V. Krystā systais Kungs Jezu Kristu.**
- R. Apsažāloj par mums.**

VI nūstōšona

VERONIKA NŪSLAUKA JEZUM VAIGU

- V. **Mes pīlyudzam Tevi, Kungs Jezu Kristu, un Tevi slavejam.**
- R. **Jo ar sovu svātū krystu Tu esi atpestejīs pasauli.**

Veronika beja na tikai loba, bet ari drūsmeiga. Jei nasabeida man paleidzēt tod, kod vysi mani bija atstōjuši, kod pyuļs par mani smējōs.

Voi tu prūti byut drūsmeigs tod, kod jōaizstōv vōjōkais, kod lobais ir ļaunuma apdraudāts? Voi tu steidzīs paleigā tim, kam klōjās gryuši? Voi tu mļoj cylvākus tai, kai es jūs vysus asmu mīlōjis?

Tāvs myusu..., Esi sveicynōta, Marija...

V. Krystā systais Kungs Jezu Kristu.

R. Apsažāloj par mums.

VII nūstōšona**JEZUS ŪTRAIS KRITĪNS**

- V. **Mes pīlyudzam Tevi, Kungs Jezu Kristu, un Tevi slavejam.**
- R. **Jo ar sovu svātū krystu Tu esi atpestejīs pasauli.**

Beja pusdīnlaiks. Beja ļuti korsts. Es ūtrreiz nūkrytu uz akmiņim.

Es grybu, lai jyus paleidzat ikvīnam, kas pakritis. Ari dzārōjam, kurš guļ ceļa molā.

Es grybu, lai jyus paleidzat ar sovom lyugšonom tim, kuri krytuši grākūs un slyktūs īrodumūs.

Es grybu, lai jyus mīlojat cyts cytu.

Tāvs myusu..., Esi sveicynōta, Marija...

V. Krystā systais Kungs Jezu Kristu.

R. Apsažāloj par mums.

VIII stacija

JEZUS MIĪRYSKOJ RAUDŪŠŌS SĪVĪTES

- V. **Mes pielūdzam Tevi, Kungs Jezu Kristu, un Tevi slavējam.**
- R. **Jo ar savu svātū krystu Tu esi atpestejis pasauli.**

Cela molā stōvēja sīvītes ar bārnim un skaļi raudōja. Jōs nasaprota, ka nav jōraud par Mani, bet gon par sevi un sovim bārnim. Jōraud par sovīm grākim, navys par cīššonom, kas atteirej cylvāka dvēseli.

Varbyut ir tai, ka jyus bīži vīn raudot bez īmesļa? Vienkārši nikojatēs, dusmojatēs, asat nepacīteigi? Varbyut jyusu vaines dēļ raud cytī?

Bet, ja jums teišam ir kaidas sōpes, bādas, tad padūmojīt, ka kaidam cytām varbyut sōp daudz vairōk, un jyusu pošu problemas tod liksīs nīceigas. Lyudzitēs par tim, kuri cīš vairōk nekai jyus! Mīlojīt cyts cytu!

Tāvs mysu..., Esi sveicynōta, Marija...

V. Krystā systais Kungs Jezu Kristu.

R. Apsažāloj par mums.

IX nūstōšona**JEZUS TREŠAIS KRITĪNS**

- V. **Mes pīlyudzam Tevi, Kungs Jezu Kristu, un Tevi slavejam.**
- R. **Jo ar sovu svātū krystu Tu esi atpestejīs pasauli.**

Jo Es bytu tikai Dīvs, es nabytu pakritis, bet man beja taida poša mīsa kai jums. Es pakrytu, jo muna mīsa beja nūguruse nu sitīnim, gryusteišonas, krysta nesšonas. Muna mīsa sōpēja.

Es grybu, lai jyus asat iztureigi, pacīteigi, lai jyus naasat slynki. Lai jyus nastōvat molā, kod cyti strōdoj. Lai jyus napamatat dorbu, kurs jums napasadūd, nasaveic, bet pacīteigi tū turpynōt, pōrvarādami naveiksmes un gryuteibas.

Tāvs myusu..., Esi sveicynōta, Marija...

V. Krystā systais Kungs Jezu Kristu.

R. Apsažāloj par mums.

X nūstōšona**KARAVEIRI ATJEM JEZUM DRĒBES**

- V. **Mes pīlyudzam Tevi, Kungs Jezu Kristu, un Tevi slavejam.**
- R. **Jo ar sovu svātū krystu Tu esi atpestejīs pasauli.**

Karaveiri atjēme maņ drēbes un sadaleja tōs sovā storpā.

Es grybu, lai jyus naaizskortu cytu cylvāku cīnu un gūdu. Es grybu, lai jyus naaptraipeitu ar nateirom dūmom, vōrdim voi dorbim ni sevi, ni cytus.

Vysu, kū jyus asat darejuši munim vysmozōkajim brōļim, tū jyus asat maņ darejuši... Uzlyukojit cyts cytu ar teiru, gūdeigu skatīni!

Tāvs myusu..., Esi sveicynōta, Marija...

V. Krystā systais Kungs Jezu Kristu.

R. Apsažāloj par mums.

XI nūstōšona

JEZU PĪNOGLOJ PIE KRYSTA

- V. **Mes pīlyudzam Tevi, Kungs Jezu Kristu, un Tevi slavejam.**
- R. **Jo ar sovu svātū krystu Tu esi atpestejjis pasauli.**

Noglas caururbe munas rūkas un kōjas. Sōpes caururbe munu sirdi.

Es asmu svētejjis rūkas. Jyus varit ar rūkom izdareit krysta zeimi, atcerūtīs munas noglu caurdūrtōs rūkas un kōjas. Jyus varit ar cīnu izaturētīs pret jyusu mōtes un tāva rūkom.

Rūkas ir dūmōtas, lai dareitu lobu... Lai jyus cyts cytam dareitu lobu...

Tāvs myusu..., Esi sveicynōta, Marija...

V. Krustā systais Kungs Jezu Kristu.

R. Apsažāloj par mums.

XII nūstōšona

JEZUS MĒRST PI KRYSTA

- V. **Mes pīlydzam Tevi, Kungs Jezu Kristu, un Tevi slavejam.**
- R. **Jo ar sovu svātū krystu Tu esi atpestejīs pasauli.**

Es karojūs pi krysta kai laupeitōjs, taču nabeju darejis nikō ļauna. Es beju nataisneigi nūtīsōts uz šū nōvi pi krysta, tūmār es myru labprōteigi. Es atdevu sovu dzeiveibu par vysim cylvākim. Es upurēju pats sevi. Es mīlōju jyusus vysus leidz golam.

Es jums dōvōju sovu dzeiveibu un grybu, lai jyus dōvojat maņ sovas sirdis, sovas dzeives. Es grybu, lai jyus asat muni draugi. Lai jyus vīnmār asat kūpā ar mani... Kai es vīnmār asmu kūpā ar jums.

Tāvs myusu..., Esi sveicynōta, Marija...

V. Krystā systais Kungs Jezu Kristu.

R. Apsažāloj par mums.

XIII nūstōšona

JEZUS MĪSU NŪJEM NU KRYSTA

- V. **Mes pīlydzam Tevi, Kungs Jezu Kristu, un Tevi slavejam.**
- R. **Jo ar sovu svātū krystu Tu esi atpestejīs pasauli.**

Es nūmyru taipat, kai nūmērst kotrs cylvāks. Munu Mīsu nūjēme nu krysta un ītyna līķautā. Maņ blokus beja tī, kuri mani mīlōja.

Izaturit ar cīnu pret myrušajim, jū atdusas vītom, kopim, pīmineklim. Lyudzitēs par myru-šajim!

Tāvs mysu..., Esi sveicynōta, Marija...

V. Krystā systais Kungs Jezu Kristu.

R. Apsažāloj par mums.

XIV nūstōšona

JEZUS MĪSU GULDA KOPĀ

- V. **Mes pīlydzam Tevi, Kungs Jezu Kristu, un Tevi slavejam.**
- R. **Jo ar sovu svātū krystu Tu esi atpestejīs pasauli.**

Muni draugi nūlyka munu mīsu kopā. Taču tōs nabeja beigas. Pēc trejom dīnom es augšancēlūs nu myrušajim, lai vīnmār bytu kūpā ar jums.

Es vysus jyusus mīloju un gaidu pi sevis debesīs, kur volda mīlesteiba. Tōpēc mīlojīt cyts cytu jau tagad uz zemes, kai es jums asmu mōcejis.

Tāvs myusu..., Esi sveicynōta, Marija...

V. Krystā systais Kungs Jezu Kristu.

R. Apsažāloj par mums.

TU, KURS PAR MUMS ESI CĪTIS

Tu, kurs par mums esi cītis
Jezu Kristu, myusu Tu Kungs,
Apsažāloj par mums!

Un Tu, kura reizē esi cītuse,
Ak, Marija, Dīva Mōte,
Lyudz(īs) Dīvu par mums!



*Izjamūt Jezu,
nivīns nav pīdzeivōjis tai kai Marija
krysta nūslāpumu -
šō Dīva taisneibas un mīlestieibas sasatkšonu.
Kai nivīns cyts,
jei ar vysu sirdi
pijēme šū žālsirdeibas nūslāpumu,
kas nūtyka uz Kalvariijas kolna
caur Jōs Dāla nōvi.*

sv. Jōns Pōvuls II

RYUGTŌS SŌPES

Apdūmōsim myusu Kunga Jezus Kristus cīšonas.

Upurēsim tōs dabasu Tāvam, jō dīviškōs Majestates gūdam un slavei, pasateicūt par bezgaleigū mīlesteibu un cylvākim, jo „Dīvs tik ļuti mīlōja pasauli, ka syuteja sovu vīnpīdzymušū Dālu, lai Tys glōbtu cylvākus nu grākim”. Myusu dēļ Jezus cīte un nūmyra pi krysta.

Šōs pōrdūmas veļteisim ari Vysusvātōkōs Jaunovas Marijas, Sōpju Mōtes, gūdam, lyudzūt jōs patvārumu un aizbiļdnīceibu.

Ryugtōs sōpes, osu šautri
Myusu sirdim durit cauri. (Divkōrt)

Jautrōs sejas, skumēs neikstīt
Un osorōs, vaigi sleikstīt.

Spūdrō saule ūmai tymsoj,
Jō tai žālums vaigu aizkloj.

Pat eņgeli prīcas nabaud',
Raudu dzīsmēs sōpes izraud.

Cītōs kliņtis pušu škeļās,
Svātū mīsas augšanceļās.

Kas nūtyka, kas tam vaines?
Kōpēc nūteik tōs pōrmaines?

Kristus sōpes un cīssonas
Vysus spīž pi nūskumšonas!

Atgrīz Jezu cītsirdeigūs,
Pador jūs Tev paklauseigus.

Un caur tovu ryugtū nōvi,
Nikam naļauņ pazust veļti.

Lai mīleibā isalīsmoj,
Kas par tovom sōpem dūmoj.

PYRMŌ DAĻA

Pōrdūmōsim myusu Pesteitōja cīsšonas - nu lyugšonas Getzemanes dōrzā leidz jō nataisneigai apvainōšonai jūdu augstōs tīsas prīškā. Kunga Jezus cīsšonu nūpalnus upurēsim dabasu Tāvam par svātū katoļu Bazneicu, par myusu vysaugstōkū gonu - Pāvestu - un vysim gareidznīkim, lai izalyugtu Dīva svēteibu jū dorbam.

HIMNA

Lai žālums rūnās, sōpes sirdi nūmōc,
Kod lobais Jezus sōpu gaitas īsōc,
Olivu dōrzā ašņa svīdrim apklōts,
Mōcekļu atstōts.

Vilteigais Judass nūdūdams jū skūpsta,
Un karaveiri jū ar vērvem saista.
tai Vyssvātōkū kai slapkovu sagyun,
Zaimojūt sasīn!

Syt gryusta Jezu bendes nažēleigi,
Uz vysom pusem rausta Jū brīsmeigi;
Uz tīsu aizvad lēneigū Jēreņu-
Augstū Kēneņu..

Jō svātais vaigs ar dyurem rupi sasysts,
Vyss bryucem apklōts, kai ar asni aplīts;
Bet lobais Jezus nivīnu naapsyudz,
Klus un Dīvu lyudz..

Kaut tagad muna sirds gauži raudōtu
Un nu šō laika nikod nagrākōtu!
Es nūžāloju munu oplomeibu
Un cītsirdeibu.

DVĒSELES SŌPES PAR JEZUS CĪSŠONOM

Jezus, brīsmeigai krysta nōvei
tautas vacōkū nūdūts
Muns mīlais Jezus!

Jezus par trejsdesmit grašim
Napateiceigō mōcekļa nūdūts.
Muns meilais Jezus!

Jezus, pi lyugšonas Olivu dōrzā
Naizsokomom nōves bailem padūts.
Muns meilais Jezus!

Jezus, nūskumeigs leidz nōvei,
Ar ašņa svīdrim applyudis.
Muns meilais Jezus!

Jezus, ar viļteigu bučōšonu
Nalīteigō Judasa nūdūts.
Muns meilais Jezus!

Jezus, ar rasnom vērvem
Karaveiru rūkom sasīts.
Muns meilais Jezus!

Jezus, Annasa nomā
Sulaiņu pyula pīsmīts.
Muns meilais Jezus!

Jezus, pa tīsas pogolmu
Uz Kaifasa nomu aizvasts.
Muns meilais Jezus!

Jezus, jūdu tīsas prīškā
Bez vaines ļaužu pulkā plikōts.
Muns meilais Jezus!

Jezus, diveju līcinīku
pi tīsas nataisneigi apsyudzāts.
Muns meilais Jezus!

Esi sveicynōts! Esi gūdynōts!
Par mums smōdātais un pazamōtais!
Esi slavynōts, vysur daudzynōts,
Dīvs bezgaleigais!

DVĒSELES SARUNA AR JEZUS MŌTI

Ak, es Mōte nūskumeigō!
Sōpe mani spīž brīsmeiga,
Zūbyns sirdi cauri dur. (Divkōrt)

-«Kōpēc, Mōte nūmīlōtō
Poša Dīva izvālātō,
Esi ļūti satrīkta?»

«Ak, kū vaicoj? Asu skuma,
Tikkū dzeiva nu žāluma:
Sirds nu sōpem pageibst maņ.»

«Pasok svātō valdineica,
Kōpēc esi nūskumuse,
Kōpēc osorōs sleiksti»

«Radzu ļaužu Pesteitōju,
Munu Dālu nūmīlōtū,
Ašņa svīdrim apklotu.»

«Svātō Dīva Dzemdeitōja,
Želesteibas izlyudzēja,
Dūd maņ ar tevi raudōt.»

ŪTRŌ DAŁA

Ūtrajā daļā pōrdūmōsim, kū myusu Pesteitōjs izcīte nu Jō nataisneigōs apsyudzēšonas tīsā leidz Jō krūņōšonai ar ērškim. Pesteitōja cīsšonu nūpalnus upurēsim dabasu Tāvam, lūyudzūt par myusu Dzimtini, mīru un sasaprasšonu storp cylvākim, grāku pīdūšonu un izaglōbšonu nu nalaimem.

HIMNA

Verīs, ak cylvāk, kai Dīvs tevi mīloj,
Ka sevis poša tevis dēļ nažāloj;
Un tu ar vīn vēl jauni Jam moksōsi
Grākus dareisi!

Stōv ļaužu prīškā vyspasauļa Kēneņš
Naatbiļd vōrda, leidz kai lēneigs jēreņš
Ar boltu drēbi apsmīkļam teik apgērbts,
kai nagudrs smōdāts.

Par myusu grākim jū ar reikstem šausta.
Plyust svātais asnīs, mīsa bryucem klōta.
Mums, grēcinīkim, svātō ašņa straumē
Ir mīrs un dzeive.

Lepneigais pasauļs sovu golvu krūņoj,
Pats nīceigs byudams, Dīvu Kungu zaimoj.
Tys Kungam Jezum ēršku krūni pyna
Un golvā lyka.

Kaut tagad muna sirds gauži raudōtu
Un nu šo laika nikod nagrākōtu!
Es nūžāloju munu oplomeibu
Un jaunprōteibu.

DVĒSELES SŌPES PAR JEZUS CĪŠONOM

Jezus, ļaužu pulkā
Par nūkaunamū ļaundari nūklīgts.
Muns meilais Jezus!

Jezus, ļauneigu beņžu
Nagūdeigi vaigā apsplauts.
Muns meilais Jezus!

Jezus, tīsas pogolmā treiskōrteigi
Sova mōcekļa nūlīgts.
Muns meilais Jezus!

Jezus, nažēleigu karaveiru
Uz pilata nomu aizvasts.
Muns meilais Jezus!

Jezus, nu Heroda mōjas sulainim
Kai naprōteigs smōdāts.
Muns meilais Jezus!

Jezus, lelōkam izsmīkļam
Boltā svōrkā apģērbts.
Muns meilais Jezus!

Jezus, pi stoba pīsīts
Un ar reikstem brīsmēigi šausteits.
Muns meilais Jezus!

Jezus, ar ēršku vainagu
Karaveiru nūdaļas krūņōts.
Muns meilais Jezus!

Jezus, vacā sorkonā sveitā
Lelōkai izzūbōšonai apvylkts.
Muns meilais Jezus!

Jezus, ar vāzom syssts golvā
Un smīklam saukts par kēneņu.
Muns meilais Jezus!

Esi sveicynōts! Esi gūdynōts!
Par mums smōdātais un pazamōtais!
Esi slavynōts, vysur daudzynōts,
Dīvs bezgaleigais!

DVĒSELES SARUNA AR JEZUS MŌTI

«Ak, es radzu sovu Dālu
Pīsītu pi stoba kailu
Un ar reikstem šausteitu.» (Divkōrt)

«Dīva Mōte, lyudzu, tevi,
Tova Dāla bryuču zeimes
Dzili munā sirdī spīd.»

«Radzu dzalūņaini ērški
Nūspīž golvu nažēleigi
Munam Dālam mīleigam.»

«Tova Dāla nūšausteitō
Un ar ērškim apkruņotō,
Sōpes ar mums sadoli.»

«Ak, kaut tagad atļauts byutu
Tovu muns Dāls, krystu gryutu
Maņ uz placim pošai nest!»

«Lic man Jaunava, Vyssvātō,
Lai es tova Dāla krystu
Leidz ar tevi nosōtu.»

TREŠŌ DAĻA

Pādejā daļā pōrdūmōsim, kū izcīte Kungs Jezus nu jō vainagošonas ar ērškim leidz gryutajai nōvei uz krysta. Pesteitōja cīšonu nūpalnus upurēsim dabasu Tāvam par vysim cylvākim. Lyugsim, lai Pesteitōjs pamudynōtu grēcinīkus uz atsagrīzšonu pi Dīva, lai dvēselem, kas atsarūn šķeisteišonas gunī, mozynōtu cīšonas un mums vysim dūtu patīsas grāku nūžālōšonas žēlesteibu un laimeigu nōves stuņdi.

HIMNA

Ak, muna dvēsel', kam tu namīl', natveikst?
 Kōpēc nu sōpem, muna sirds, tu nageibst'?
 Izmet jai Jezu, nu Tovas sirds degsmes
 Mīlesteibas dzērkstes.

Raug, mīlesteibā dagdams kai ar guni,
 Jys smogū krysta kūku jam uz placim;
 Tikkū dzeivs byudams, īt ar grytu nostu
 Uz nōves vītu.

Łaudarim, beñdem pasadūd bez bailem,
 Uz sōp'u krysta labprōteigi gulstās,
 Łauñ pōrdūrt rūkas un kōjas ar noglom
 Par myusu grākim.

Ak, krysts, tu esi dōrgōks mums par vysu,
 Pi sevis turi Pesteitōja mīsu.
 Łauñ, mes jū kopā cīneigi īliksim
 Un apraudōsim!

Kaut tagad muna sirds gauži raudōtu,
 Un nu šō laika nikod nagrākōtu!
 es nūžāloju munu oplomeibu
 Un nataisneibu.

Tev pīder, Jezu, gūds ar pateiciebu
Par tū brīsmeigi lelū labdareibu,
Ka myus bēdeigus, cīsdams krysta nōvi,
Nu eļnes glōbi.

DVĒSELES SŌPES PAR JEZUS CĪSŠONOM

Jezus, napateiceigō ļaužu pyuļa
Zamōks par Barnabu nūskaitēts.
Muns meilais Jezus!

Jezus, uz nōvi pi krysta
Pilata nataisneigi nūtīsōts.
Muns meilais Jezus!

Jezus, smogu krysta nostu
Uz Kalvarijas kolnu nest pīspīsts.
Muns meilais Jezus

Jezus, pi nagūda krysts
Ar noglom šausmeigi pīkolts.
Muns meilais Jezus!

Jezus, storp divim slapkovom
Ar krystu uz augšu pacalts.
Muns meilais Jezus!

Jezus, apliek stōvūšū
Un garumejūšu zaimōts.
Muns meilais Jezus!

Jezus, naizsokomōs slōpēs
Ar ryugtu žuļti un etiki dzirdeits.
Muns meilais Jezus!

Jezus, sova Tāva rūkōs
Goru atdūdams, nūmiris
Muns meilais Jezus!

Jezus, nu krysta nūjimts
Un kopā cīneigi īlykts.
Muns meilais Jezus!

Esi sveicynōts! Esi gūdynōts!
Par mums smōdātais un pazamōtais!
Esi slavynōts, vysur daudzynōts.
Dīvs bezgaleigais!

DVĒSELES SARUNA AR JEZUS MŌTI

«Ak, maņ, Mōtei nūskumeigai,
Stōvūt raudūšai pi krysta,
Žālums sirdi pōrdyure.» (Divkōrt)

«Svātō Mōte, lai es vysod
Jezus kristu prōtā turu,
Sovus grākus apraužu.»

«Jau muns Jezus nūmīlōtais
Mērst par ļaudim, krystā pīkolts.
Ak, kaut es jam leidz mērtu!»

«Grybu, Mōte, leidz ar tevi
Stōvēt uzticeigs pi krysta,
Jezus sōpes gūdynōt.»

Pādejū Jys soka vōrdu
Un uz placim nūlīc golvu.
Palīk mōte vīneiga.

«Dīva Mōte, tevi lyudzu
Izmōc mani krystu mīlōt,
Krystu vysod nest lobprōt.»

TU, KURS PAR MUMS ESI CĪTIS

Tu, kurs par mums esi cītis,
Jezu Kristu, myusu Tu Kungs,
Apsažāloj par mums,
Apsažāloj par mums!

Un tu, kura reizē esi cītuse,
Ak, Marija, Dīva Mōte,
Lyudzīs Dīvu par mums,
Lyudzīs Dīvu par mums!




Jezu, es uzatycus Tev!

***MUNS DĪVS,
UZKLAUSI MUNU LYUGŠONU.
LAI TOVA ŽĀLSIRDEIBA
NŪSALĪC PÔR MANI,
ATBYLDŪT MUNAS SIRDS ILGOM.***

Sv. Augustins

DĪVA ŽĀLSIRDEIBAS KRŪNEITS



1. Apzeimej sevi ar krysta zeimi
2. *Tāvs myusu... – 1 reizi*
3. *Esi sveicynāta, Marija... – 1 reizi*
4. *Es tycu... (Credo) – 1 reizi*
5. *Myuzeigais Tāvs... – 1 reizi*
6. *Jezus sōpeigū cīšonu dēļ... – 10 reizes*
7. *Myuzeigais Tāvs... – 1 reizi*

Tōlēk turpynoj skaiteit krūneiti uz vysom rūžukrūņa zeileitem.

Sōkumā:

*Tāvs myusu..., Esi sveicynōta, Marija...,
Es tycu...*

Uz rūžukrūņa lelajom zeileitem (1 reizi)

V.: Myužeigais Tāvs,
es upureju Tev
Tova meilō Dāla,
myusu Kunga Jezus Kristus
Mīsu un Asni,
Dvēseli un Dīviškeibu.

R.: Kai pōrlyugumu
par myusu un vysa pasauļa grākim.

Uz rūžukrūņa mozajom zeileitem (10 reizes):

V.: Jezus sōpeigū cīššonu dēļ
R.: Esi žālsirdeigs mums un vysam pasauļam!

Nūslāgumā (3 reizes):

Svātais Dīvs, svātais, varenais Dīvs,
svātais myužeigais Dīvs,
apsažāloj par mums un vysu pasauli!

(3 reizes):

Jeu, es uzatyu Tev!



*Pastōveigi lyudzitēs rūžukrūņa lyugšonu
gon Bazneicas kūpīnā,
gon myusu gimiņu klusumā.
Šei atkörtötūs sveicīņu lyugšona
īdegs mōjas pavorda guni,
styprinōs cereibu
un vysim dōvōs lelu mīru un prīku Kristū,
kurs myusu dēļ
ir pīdzimis, nūmiris un augšancēlīs.*

sv. Jōns Pōvuls II

RŪŽUKRŪNS

Rūžukrūns ir Dīva dorbu pōrdūmōšona cylvāka pesteišonas lobā. Atkörtojūt vōrdus, ar kurim eņģeļs un Sv. Elizabete sveicynōja Mariju, veidojās pamats, bolstūtīs uz kuru, pōrdūmojam Kristus pazamōšonu, nōvi un ūšonu gūdeibā.

Lyudzūtīs rūžukrūni, ir jōatsabreivoj nu steigas, mīrā un pōrdūmōs jōsaļaun lyugšonas rytmam. Tod tei nabyus formulu mehaniska atkōrtōšona un klyus par patīsu saikni ar Dīvu.

Šeit teik dūts vīns nu pōrdūmu (meditaciju) variantim. Kotram nūslāpumam ir izvālāts teksts nu Svātajim Rokstīm un eiss komentars, kuru kotrs var atteisteit pats, pōrdūmojūt Dīva darbeibu sovā dzeivē un sovu personīgū atbildi uz tū.

Dīva Tāva un Dāla, un Svātō Gora vōrdā. Amen.

Tāvs myusu,... 3 Esi sveicynōta, Marija,... Gūds lai ir Tāvam...

PYRMŌ DALĀ - PRĪCEIGŌ

Pyrmais nūslāpums

EŅĢEĻA SLUDYNŌJUMS JAUNOVAI MARIJAI

Dīvs syuteja eņģeli Gabrieli uz Galilejas piļsātu, kas saucēs Nazarete, pi Jaunovas, kas beja sadarynōta

Davida ciļts veiram, kam vōrds beja Jezups; un Jaunovas vōrds beja Marija. Un engeljs, īnōcis pi jōs, saceja: „Esi sveicynōta, žēlesteibas pylnō! Kungs ir ar tevi; tu esi svēteita storp sīvītem. Lyuk, tu ījimsi un dzemdeisi Dālu un nūsauksi Jū vōrdā Jezus.” (sal Lk 1, 26-31)

Dīvs izvēlēja Mariju par Pestietōja Mōti. Jam patyka Marijas pazemeiba un vīnkōršeiba. Pazemeibā jei beja gotova piļdeit Dīva grybu. Marija soka: "Lyk, es asmu Kunga kolpyune, lai maņ nūteik pēc Tova vōrda." Pēc šim vōrdim nūteik Dīva Vōrda Īsamīsōšonōs breinums Svātō Gora spākā.

Lai Dīva gryba ir ari munas dzeives pamats. Es grybu pīlikt vysas pyules, lai vīnmār varātu Dīvam saceit "jā" tai, kai tū dareja Marija.

Tāvs myusu..., 10 Esi sveicynōta, Marija..., Gūds lai ir Tāvam...

V. Marija, bez grāka ījimtō,

R. Lydz par mums, kas steidzamēs pi tevis.

Ūtrais nūslāpums **MARIJA APMEKLEJ SV. ELIZABETI**

Marija, tamōs dīnōs cālusēs, steigšus aizgōja kolnūs, jūdu piļsātā. Un jei, īgōjuse Zaharija nomā, sveicynōja Elizabeti. Un nūtyka, ka Elizabetei, Marijas sveicynōšonu dzēržūt, bērneņš prīceigi sasakustēja jōs

mīsōs; un Elizabeti pīpiļdeja Svātais Gors; un jei skaļā bolsā sauce un saceja: Tu esi svēteita storp sīvītem, un svēteits ir tovas mīsas auglis! (sal Lk 1,39-42)

Marija steigšus devēs pi sovas radineicas Elizabetes, lai jai paleidzātu ikdīnas dorbūs. Jai nabeja pīnōkuma tū dareit, jo pītyka sovu problemu. Tūmār, nasaskotūt uz tū, Marija dūdās ceļā, nasūt sev leidza Dīva svēteibu.

Cik gon bīži mes atkōrtojam: "Tei nav muna dareišona. Lai cyti tū dora." Mes īsaslādzam sova egoisma čaulā un nūtīsojam sevi uz vīntuleibu. Dedzeigas ryupes par cytīm līcynoj, ka myusūs mōjoj Kristus Gors. Tōpēc ceņssimēs nasavteigi paleidzēt tyvōkajam, izavaireit nu dusmem, kīldom.

Tāvs myusu..., 10 Esi sveicynōta, Marija..., Gūds lai ir Tāvam...

V. Marija, bez grāka ījimtō,

R. Lyudz par mums, kas steidzamēs pi tevis.

Trešais nūslāpums BETLEMES STALEITĪ PĪDZYMST JEZUS

Jezups nu Nazaretes piļsātas Galilejā nūgōja Judejā, Davida piļsātā, kas saucēs Betleme, tōpēc ka jys beja nu Davida noma un ciļts. Lai pīsaraksteitu ar Mariju, sovu sadarynōtū, kas beja mōtes cereibōs. Un nūtyka, ka, jīm tī asūt, pīnōce laiks, lai jei dzemdeitu.

Un jei dzemdēja sovu pyrmdzymtū Dālu, un ītyna Jū auteņūs, un īlyka Jū silē, jo tim nabeja vītas mōjvītā. (sal Lk 1, 4-7)

Betlemes grotā pasaulī īnōk Pesteitōjs. Mōjā Svātajai giminei nabeja vītas. Kungs nōce sovā īpašumā, bet sovejī jū napījēme. Marija un Jezups vysu panas bez kurnēšonas. Pesteitōja ceļš īsasōka nabadzeibā un mīlestiebas tryukumā.

Šeit, Betlemē, Vysusvātō Mōte mōca mums vysu upurēt Kristum. Pacīteibā pījimt jebkaida veida tryukumu un pīminēt, ka bogōtajam ir gryuši īt dabasu valsteibā.

Tāvs myusu..., 10 Esi sveicynōta, Marija..., Gūds lai ir Tāvam...

V. Marija, bez grāka ījimtō,

R. Lyudz par mums, kas steidzamēs pi tevis.

Catūrtais nūslāpums BĀRNA JEZUS UPURĒŠONA TEMPLĪ

Un tī, kod saskaņā ar Mozus lykumu jōs škeisteišōnas dīnas bija pagōjušas, nese Jū uz Jeruzalemi, lai Jū stōdeitu Kungam priškā. (Sal. Lk 1,22)

Marija upurej Pesteitōju svētneicā. Jei tū dora vīnkōršeibā un paklauseibā. Vysa Marijas dzeive ir

vērzeita uz Kristu. Jei dzeivoj, paklausūt dabasu Tāva gribai.

Marija mums mōca byut uzticeigim Dīvam pat tod, kod paklauseiba prosa lelus upurus. Vaireisimēs byut spīteigi, nepaklauseigi.

Tāvs myusu..., 10 Esi sveicynōta, Marija..., Gūds lai ir Tāvam...

V. Marija, bez grāka ījimtō,

R. Lyudz par mums, kas steidzamēs pi tevis.

Pīktais nūslāpums BĀRNA JEZUS ATRASŠONA SVĒTNEICĀ

Un tī, kod Jys beja divpadsmīt godus vacs, pēc svātku īroduma gōja uz Jeruzalemi. Un kod jī, izabeidzūt svātku dīnom, atsagrīze atpakaļ, Bārns Jezus palyka Jeruzalemē, bet Jō vacōki tū nazynōja. Un tī, naatroduši jū, atsagrīze Jeruzalemē, tū maklādami. Un nūtyka, ka pēc trejom dīnom tī Jū atroda sēzam dīvnomā storp rokstu mōceitōjim. (Sal Lk 2,42-46)

Ar kaidom sōpem un ryupem Marija meklēja sovu Dālu! Tys, ka Jezus palyka svētneicā, sagōdōja jai milžeigas cīšonas. Marija Jū atrūn lelā prīkā.

Ari es varu pazaudēt Jezu, izdorūt grāku. Tad ir jāatsagrīž svētneicā, jōsalyudz un jōizsyudz grāki, lai otkon bytu kūpā ar Kristu.

Kungs, paleidzi mañ sorgōtīs nu slynkuma goreigajā dzeivē.

Tāvs myusu..., 10 Esi sveicynōta, Marija..., Gūds lai ir Tāvam...

V. Marija, bez grāka ījimtō,

R. Lyudz par mums, kas steidzamēs pi Tevis.

ŪTRŌ DAŁA - GAISMAS

Pyrmais nūslāpums

JEZUS KRISTEIBA JORDANĀ

Jezus atnōce nu Galilejas uz Jordanu pi Jōņa, lai tys Jū kristeitu.

Pēc kristeibas Jezus tyleļ izkōpe nu yudiņa. Un, lyk, dabasi atsavēre, un Jys redzēja Dīva Goru bolūža veidā nūsalaižam uz sevi. Un, lyk, bolss nu dabasim saceja: „Šis ir muns meilais Dāls, kurš Mañ jūti pateik.” (sal Mt 3)

Tāvs myusu..., 10 Esi sveicynōta, Marija..., Gūds lai ir Tāvam...

V. Marija, bez grāka ījimtō,

R. Lyudz par mums, kas steidzamēs pi tevis.

Ūtrais nūslāpums JEZUS ATSAKLŌŠONA KŌZOS KANĀ

Un trešajā dīnā Galilejas Kanā beja kōzas. Un, kod pītryuka veina, Jezus Mōte saceja Jezum: „Jim nav veina”. Bet Jezus jai saceja: „Vēl Muna stuņde nav pīnōkuse!” Jō Mōte saceja apkolpōtōjim: „Dorit vysu, kū Jys jyusim saceis.” Jezus saceja jīm: „Pīpiļdit traukus ar yudini!” Un jī tūs pīpiļdeja leidz molom. Kod goldzinis nūgaršōja yudini, tys beja pōrsavērts veinā, un jys saceja leigavaiņam: „Ikvīns cylvāks vyspyrms pasnēdz lobū veinu, bet tu taupeji lobū veinu leidz šim.”

Šaidu sōkumu breinumim Jezus dareja Galilejas Kanā, atklōdams sovu gūdeibu, un Jō mōcekli ticēja Jam. (sal Jη 2)

Tāvs myusu..., 10 Esi sveicynōta, Marija..., Gūds lai ir Tāvam...

V. *Marija, bez grāka ījimtō,*

R. *Lyudz par mums, kas steidzamēs pi tevis.*

Trešais nūslāpums
DĪVA VAĻSTEIBAS SLUDYNŌŠONA
UN AICYNŌJUMS ATSAGRĪZT

Un Jezus saceja: „Laiks pīsapīldējs, un Dīva Vaļsteiba tyvu klōt! Gondarejit par grākim un ticit Evangelijam!” (sal Mk 1)

Jezus izdzīdynōja trīkas slymū, saceidams: „Dāls, tovi grāki tev tīk pīdūti! (..) Celīs, jem sovu gultu un ej sovōs mōjōs!” Un tys tyuleņ uzacēle un, gultu pajēmis, aizgōja vysim radzūt, tai, ka vysi breinejōs un gūdynōja Dīvu, saceidami: „Tū mes vēl nikod naasam redzējuši.” (sal Mk 2,5.11-12)

Tāvs myusu..., 10 Esi sveicynōta, Marija..., Gūds lai ir Tāvam...

V. Marija, bez grēka ījimtō,

R. Lyudz par mums, kas steidzamēs pi tevis.

Catūrtais nūslāpums

PŌRSAMEIŠONA TABORA KOLNĀ

Jezus jēme leidza Pīteri un Jākubu, un Jōni un uzkōpe kolnā, lai lyugtu Dīvu. Un Jō sejas izskots kliva cytaids, un Jō apgērbs topa bolts un starōja. Un, lyuk, divi veiri sasarunōja ar Jū; tī beja Mozus un Elija.

Jī pasarōdeja gūdeibā; un tī runōja par Jō gola nūrisi, kū Jys pīpildeis Jeruzalemē.

Bet Pīters un tī, kas atsaroda pi Jō, beja mīga nūmōkti; un uzamūduši tī redzēja Jō gūdeibu un divus veirus, stōvūt pi Jō. Un Pīters saceja Jezum: „Mōceitōj, mums ir labi ite byt; mes taiseisim trejs teļts: vīnu Tev, vīnu Mozum un vīnu Elijam.”

Jim tai runojūt, pasarōdeja mōkūns un apānoja jūs. Un bolss atskanēja padebešūs, saceidams: „Šys ir Muns meilais Dāls, Jū klausit!” (sal Lk 9, 28-35)

Tāvs myusu..., 10 Esi sveicynōta, Marija..., Gūds lai ir Tāvam...

V. Marija, bez grāka ījimtō,

R. Lyudz par mums, kas steidzamēs pi tevis

Pīktais nūslāpums EUHARISTIJAS ĪDYBYNŌŠONA

Pyrms Leldīnu svātkim Jezus, zynōdams, ka Jō stuņde pīnōkuse, lai nu šō pasauļa aizītu pi Tāva, mīlōdams sovejūs, kas beja pasaulī, mīlōja tūs leidz golam. (Jn 13, 1)

Un, Jezus, jim ādūt, pajēme maizi, svētēja tū, lauze, deve jim un saceja: „Jemit, šei ir Muna Mīsa.” Un Jys jēme bikeri, pasateice un deve jim;

un tī vysi dzēre nū tō. Un Jys tim saceja: „Šys ir munas jaunōs dereibas Asnis, kas par daudzim tiks izlīts.” (Mk 14, 22-24)

Tāvs mysu..., 10 Esi sveicynōta, Marija..., Gūds lai ir Tāvam...

V. *Marija, bez grāka ījimtō,*

R. *Lyudz par mums, kas steidzamēs pi tevis.*

TREŠĀ DAĻA - SŌPEIGĀ

Pyrmais nūslāpums

KUNGS JEZUS LYUDZĀS OLIVU DŌRZĀ

Jēzus, ceļūs nūsamets, lydze Dīvu, saceidams: „Tāvs, ja Tu vēlejīs, atjem šū bikeri nu manis! Tūmār na muns, bet Tovs prōts lai nūteik!” Un Jys, nōves baiļu pōrjimts, lyudze Dīvu jo korstōk. Un jō svīdri kliva kai ašņa lases, kas pilēja zemē. (sal Lk 22, 41-44)

Jezus lyudzās un redz vyusu cylvāku grākus, napateiceibu, nauzticeibu, nūdeveibu. Šamā šausmei-gajā naktī vysi Jū ir atstōjuši.

Par munim un vysa pasauļa grākim Jezus uzajem cīšsonas un nōvi. Ari Marija šamā naktī lydzās. Jei ir breiva nu jebkura grāka un vīnmār mañ paleidzēs, lai es ar Dīva žēlesteibu uzvarātu grāku.

Tāvs myusu..., 10 Esi sveicynōta, Marija..., Gūds lai ir Tāvam...

V. Marija, bez grāka ījimtō,

R. Lūdz par mums, kas steidzamēs pi tevis.

Ūtrais nūslāpums **KUNGS JEZUS TEIK ŠAUSTEITS**

Pilats otkon uzrunōja jūs un saceja: „Kū tod jyus gribat, lai es doru ar jūdu Ķēneņu?” Bet tī otkon klīdze: „Sit jū krystā!” Bet Pilats, grybādams ļaudim iztapt, atlaide tim Barabu, bet Jezu šausteja un nūdeve, lai jū systu krystā. (sal Mk 15,12-15)

Jezus pacīš šausmeigas sōpes šausteišonas laikā. Karaveiri bez žēlesteibas plūsa Pesteitōja svātū mīsu. Jys gondarej par cylvāku īdūmeibas, bezkauneibas un naškeisteibas grākim.

Es lyudzu Tevi, Jezu, un Tovu Mōti, bezvaineigū Jaunovu, par sovu mīsas un dvēseles škeisteibu.

Kungs, es nūvēleju Tev bārnus un jaunīšus un lyudzu: pasoargoj jūs nu īlaunōjuma, dōvoj mums iztureibu lobajā un paleidzi byut kautreigim dūmōs un uzvedeibā.

Tāvs myusu..., 10 Esi sveicynōta, Marija..., Gūds lai ir Tāvam...

V. Marija, bez grāka ījomtō,

R. Lyudz par mums, kas steidzamēs pi tevis.

Trešais nūslāpums
KUNGAM JEZUM UZLĪK GOLVĀ
ĒRKŠĶU KRŪNI

Un tī, nūpynuši krūni nu ēršķežim, lyka tū Jam golvā un nīdri Jō lobajā rūkā. Un tī, Jō priškā ceļūs mazdamīs, izsmēja Jū, saceidami: „Esi sveicynōts, jūdu Kēneņ!” (Mt 27, 2. 9)

Kungs Jezus pījem šōs cīssonas, lai gondareitu par myusu lepneibu, augstprōteibu, par tū, ka mes nūstōdam sevi augstōk par cytim. Kristus dabasu un zemes patīsais Karaļs, munas sirds Karaļs. Jam pīsanōk slava un gūds. Egoismam un augstprōteibai nav vītas Kristus valsteibā.

Ar Marijas aizbiļdnīceibu, lyudzu Tevi, Jezu, dōvoj maņ pazemeibas un paklauseibas žēlesteibu. Dori, lai es naattaisnōtu sovus grākus ar cytu grākim un vōjeibom.

Tāvs mysu..., 10 Esi sveicynōta, Marija..., Gūds lai ir Tāvam...

V. Marija, bez grāka ījimtō,

R. Lyudz par mums, kas steidzamēs pi tevis.

Catūrtais nūslāpums KUNGA JEZUS CEĻŠ UZ GOLGATU

Un Jys, nasdams sovu krystu, gōja uz tū vītu, kas saucās Golvaskausa vīta, bet ebrejiski Golgata. (sal Jη 19, 17)

Aiz mīlestiebas pret mums Kristus jam uz sovim placim krystu un nas tū leidz vītai, kur paradzāta krystā sisšona. Šymā krustaceļā jys vairōkas reizes kreit un otkon pīsacel. Marija īt kūpā ar sovu Dālu un cīš leidz ar jū.

Kod sasateikam ar gryuteibom, tod parosti cenšamēs nu tom izavaireit. Mes mēginojam uzkraut cytim tūs krystus, kurus sastūpam sovā celā. Sovs krysts ir jōnas kotram cylvākam. Tys nav vīgli, tōpēc šys ceļš ir ejams kūpā ar Jezu. Lai Marija paleidz mums sekōt Kristum un pīsaceļt, kod asam pakrytuši.

Tāvs mysu..., 10 Esi sveicynōta, Marija..., Gūds lai ir Tāvam...

V. Marija, bez grāka ījimtō,

R. Lydz par mums, kas steidzamēs pi tevis.

Pīktais nūslāpums
JEZU PĪNOGLOJ PI KRYSTA, UN JYS MĒRST
ŠAUSMEIGĀS CĪSSHONĀS

Un kod tī nūnōce vītā, kas saucās Kalvarija jeb Golgata, jī tur syta jū un slapkovas krystā: vīnu pa labi, ūtru pa kreisi. Bet beja ap sastū stuņdi, un tymsa īsastōja leidz pat deveitajai stuņdei. Un saule tyka aptymsōta, un priķškors svētneicā pōrpleisa vydā pušu. Un Jezus sauce skaļā bolsā, saceidams: „Tāvs, Tovōs rūkōs es atdūdu sovu goru!” Un Jis, tū saceidams, izdvese goru. (sal Lk 23,33.44-46)

Uz Golgatas Jezus atdūd par mums sovu dzeiveibu. Myusu atpesteišonas stuņde ir sytuse. Ari šymā stuņdē Marija ir kūpā ar sovu Dālu.

Es pasateicu Tev, Jezu, par Tovu mīlestieibu un nūvēleju Tev vysus mērstūšūs, lai jī pījimtu nōvi kai īšonu myužeigā Dīva mīlestiebas valsteibā.

Tāvs myusu..., 10 Esi sveicynōta, Marija..., Gūds lai ir Tāvam...

V. Marija, bez grāka ījimtō,

R. Lyudz par mums, kas steidzamīs pi tevis.

CATŪRTŌ DAĻA - GŪDEIBAS**Pyrmais nūslāpums
KUNGS JEZUS AUGŠANCEĻĀS**

Engeljs uzrunōja sīvītes un saceja: „Nasabeistit, jo es zynu, ka jyus meklejat Jezu, krystā systū. Jō šeit nav, jo Jis augšancēlīs, kai beja sacejis. Nōcit un aplukojoit tū vītu, kur Kungs beja nūlykts!” (Mt 28, 5-6)

Myusu prīškā nūsastōj Augšancēlīs Kristus, dzeiveibas un nōves Kungs. Lai Jō augšanceļšonōs styprynoj myusu ticeibu.

Marija, kas ari uz Golgatas nazaudēja ticeibu, aizvess myusus pi sova Dāla caur myusu dzeives gryuteibom un styprynōs myusu ticeibu.

Tāvs myusu..., 10 Esi sveicynōta, Marija..., Gūds lai ir Tāvam...

V. Marija, bez grāka ījimtō,

R. Lyudz par mums, kas steidzamīs pi tevis.

**Ūtrais nūslāpums
KUNGS JEZUS UZKŌP DEBESĪS**

Kungs Jezus pēc tam, kod ar jim beja runōjis, uzkōpe debesīs un sēd pi Dīva lobōs rūkas. Bet jī gōja un sludynōja vysur; un Kungs jim paleidzēja un

mōceibu apstyprynōja ar leidzejūšom zeimem." (Mk 16 ,19-20)

Jezus sovā dīviškajā spākā uzkōp debesīs. Jys ir izpiļdejis Tāva grybu un atsagrīž pi Jō. Taču Jezus ir kūpā ar mums leidz pasauļa beigom.

Lai myusus pavoda cereiba, ka ari mes reiz varēsim skateit Dīvu Jō valsteibā. Nūvēlejam Tev, Kristu, myusu myrušūs tyvinīkus, lai jī pīsavīnōtus svātūs un eņģeļu pulkim debesīs.

Tāvs myusu..., 10 Esi sveicynōta, Marija..., Gūds lai ir Tāvam...

V. Marija, bez grāka ījimtō,

R. Lyudz par mums, kas steidzamēs pi tevis.

Trešais nūslāpums SVĀTAIS GORS NŪNŌK PŌR JAUNOVU MARIJU UN APOSTOLIM

Kod Vosorsvātku dīna beja pīnōkuse, pīpeši nu debesim nōce ryukūņa, it kai stypra vēja pyusma, un pīpiļdeja vysu mōju, kur tī sēdēja. Un pasarōdeja it kai guņs mēles, kas sasadaleja un nūsalaide uz ikvīnu nu jīm. Un vysi tyka Svātō Gora pīpiļdeiti." (sal Apd 2, 1-4)

Myusūs mōjoj Svātais Gors, ja myusu sirdīs ir mīlestība uz Dīvu un cylvākim. Sirsneigā lyugšonā

pasateicam par Svātō Gora dōvonom. Lyudzam, lai īpaši bārni un jaunīši, Svātō Gora apgaismoti, atrostu sovu aicynōjumu. Lai Marija styprynoj myusūs mīlestiebu uz Bazneicu un ryupes par tōs izaugsmi.

Tāvs myusu..., 10 Esi sveicynōta, Marija..., Gūds lai ir Tāvam...

V. Marija, bez grēka ījimtō,

R. Lyudz par mums, kas steidzamēs pi tevis.

Catūrtais nūslāpums
VYSUSVĀTŌKŌ JAUNOVA MARIJA
AR MĪSU UN DVĒSELI TĪK UZJIMTA DEBESĪS

Vysuvarenais, myužeigais Dīvs, Tu Bezwaineigōs Jaunovas Marijas, Tova Dāla Mōtes, mīsu un dvēseli pajēmi debesu gūdeibā, dori, lai mes pastōveigi ryupātūs par goreigajim lobumim un nūpeļneitu sev leidzdaleibu jōs gūdeibā. (sal «Romas Misāle»)

Marija pēc zemes dzeives beigšonōs ar mīsu un dvēseli tyka uzjimta debesīs. Lyudzu Tevi, Kungs, lai arī es reiz bytu vīnōts ar Tevi debesīs. Sovai nōves stuņdei cylvākam jōsagatavoj vysu myužu, jo mes nazynom kod, kur un kai nūmērsim. Dīva Mōte, lyudzu, lai tu munā nōves stuņdē bytu kūpā ar mani un aizvastu pi sova Dāla.

Tāvs myusu..., 10 Esi sveicynōta, Marija..., Gūds lai ir Tāvam...

V. Marija, bez grāka ījimtō,

R. Lyudz par mums, kas steidzamēs pi tevis.

Piektais noslēpums

MARIJA TIEK KRŪNĀTA PAR DABASU UN ZEMES KARALIENI

Tod pi debesim pasarōdeja lela zeime: saulē tārpta sīvīte un mēness zam jōs kōjom, bet tai golvā divpadsmīt zvaigžņu krūns. (Atkl 12, 1).

Lūyk, myusu dabasu un zemes Karalīne. Jai ir leidzdaleiba sova Dāla gūdeibā. Marija vēlejās, lai jōs Dāla valsteiba pīaugtu. Lai šōs ilgas ir ari munas.

Šymā nūslāpumā nūvēleju Marijas aizbiļdnīceibai cylvākus, kuri ir tōli nu Dīva un vēlejās izlyugt jim atsagrīššonōs žēlesteibu un iztureibu lobajā.

Tāvs myusu..., 10 Esi sveicynōta, Marija..., Gūds lai ir Tāvam...

V. Marija, bez grāka ījimtō,

R. Lyudz par mums, kas steidzamēs pi tevis.

Privati skaitūt Rūžukrūni, katra nūslāpuma beigōs pēc invokacijas « Marija, bez grāka ījimtō... » var pīvīnōt: « Muns Jezu, pīdūd mums myusu vaines, pasorgoj myusus nu eļnes guņs un aizved vysas dvēseles uz dabasim, it sevišķi tōs, kurom vysvairōk ir vajadzeiga Tova žālsirdeiba ».



**MONSTRA TE ESSE MATREM
(RŌDI, KA ESI MŌTE)**

Dīvmōtes Breinum dareitōjas glezna
Aglyunas bazilikā

LITANIJA
VYSUSVĀTŌKŌS JAUNOVAS MARIJAS GŪDAM

Kyrie, eleison!

Christe, eleison!

Kyrie, eleison!

Kristu, klausī myus!

Kristu, uzklausī myus!

Dīvs Tāvs nu dabasim, apsažāloj
par mums!

Dīvs Dāls, pasauļa Pesteitōjs, apsažāloj
par mums!

Dīvs Svātais Gors, apsažāloj par mums!

Svātō Trejadeiba, vīns Dīvs,
apsažāloj par mums!

Svātō Marija,
Svātō Dīva Dzemdeitōja,

Svātō jaunovu Jaunova,
Jezus Kristus Mōte,

Bazneicas Mōte,
Dīva žēlesteibas Mōte,

Vysuteirōkō Mōte,
Vysuškeistōkō Mōte,

lyudz Dīvu par mums!

Nanūzīdzeigō Mōte,
Vysod jaunaveigō Mōte,
Mīleigō Mōte,
Breineigō Mōte,
Loba padūma Mōte,
Radeitōja Mōte,
Pesteitōja Mōte,
Vysugudrōkō Jaunova,
Gūda cīneigō Jaunova,
Slavejamō Jaunova,
Vareigō Jaunova,
Žēleigō Jaunova,
Uzticeigō Jaunova,
Taisneibas spūguļs,
Gudreibas krāsls,
Myusu prīcas īmeslis,
Goreigais trauks,
Cīnejamais trauks,
Sevišks dīvakolpōšonas trauks,
Goreigō rūze,
Davida tūrnis,
Zylūņkaula tūrnis,

lyudz Dīvu par mums!

Zalta noms,
Dereibas skreine,
Dabasu durovas,
Reita zvaigzne,
Sliminīku veselieiba,
Grēcinīku glōbēja,
Bēdeigū īprīcynōtōja,
Kristticeigū paleigs,
Eņģeļu Kēnenīne,
Patriarhu Kēnenīne,
Pravīšu Kēnenīne,
Apostolu Kēnenīne,
Mūcekļu Kēnenīne,
Izzinēju Kēnenīne,
Jaunovu Kēnenīne,
Vysu Svātū Kēnenīne,
Bez īdzymō grāka ījimtō Kēnenīne,
Debesīs uzjimtō Kēnenīne,
Svātō Rūžukrūņa Kēnenīne,
Gimiņu Kēnenīne,
Mīra Kēnenīne,
Mōras Zemes Kēnenīne,

Lyudz Dīvu par mums!

Dīva Jārs, kas nūceļ pasauļa grākus, atlaid
mums, Kungs un Dīvs!
Dīva Jārs, kas nūceļ pasauļa grākus, uzklausi
myus Kungs un Dīvs!
Dīva Jārs, kas nūceļ pasauļa grākus,
apsažāloj par mums!

ZAM TOVA PATVĀRUMA steidzamēs, svātō Dīva Dzemdeitōja, myusu lyugšonas, lyudzam, nasmōdej myusu vajadzeibōs! Bet nu ikvīnas nalaimes vysod myus izglōb, slaveigō Jaunova! Myusu Valdneica, myusu Vydutōja, myusu Aizbyldynōtōja! Samīrynoj myus ar sovu Dālu, īteic myus sovam Dālam, stōdi myus sovam Dālam priškā.

V. Lyudzīs par mums, svātō Dīva Dzemdeitōja.
R. Lai mes Kristus apsūlejumu toptu cīneigi.

Lyugsimēs.

Kungs Dīvs, mes Tevi lyudzam: dori, lai myusu, Tovu kolpu, dvēsele un mīsa vīnmār byuntu vasala un ar slavejamōs Vysusvātōkōs Jaunovas Marijas aizbiļdnīceibu mes tyktu atbreivōti nu laiceigō ļaunuma un prīcōtūs myužeigā dzeivē. Caur Jezu Kristu, myusu Kungu. Amen.

VEĻTEIŠONŌS VYSUSV. J. MARIJAS BEZVAINEIGAJAI SIRDEI

Vysusvātōkō Jaunova, myusu Kunga Jezus Kristus Mōte, mes īpašā veidā veltejam sevi tovai Bezvaineigajai Sirdei.

Ar šū veļteišonūs mes atjaunojam kristeibas svātsūlejumus un saskaņā ar Evangeliju uzajamam pīnōkumu īkšeji atsagrīzt, atsaraiseit nu patmīleibas un nu lātas pīkōpeibas pasauļam, lai mes bytu pilneigi tovā reiceibā, vīnmār pyldūt dabasu Tāva grybu.

Bez tam, mes uztycam tev, vyslobō Mōte, sovu kristeigū aicynōjumu. Mes gribim veidōt sovu dzeivi tai, kai tu vēlejīs: gondareišonas un lyugšonas gorā. Mes gribam ar dedzeibu pīsadaleit svātajā Mises Upurī, apostoliski dorbōtīs, ik dīnas gūdbejeigi skaiteit Rūžukrūni un – atbylstūši Evangelijam – prīceigi nest dzeives upurus, byut spējeigim atsateikt un gondareit. Mes gribim byut kristeigū tykumu un škeisteibas paraugs pasauļam.

Mes apsūlam byut uzticeigi Svātajam tāvam un vīnōti kūpā ar jō veiskupim un prīsterim. Tovā Mōtes vadeibā un aizsardzeibā mes gribim byut apostoli, lai veicynōtu tik napīcīšamū lyugšonas un mīlestiebas kūpeibu ar pāvestu, kas ir Bazneicas

mōceitōjs un gons. Mes lyudzam Tevi, Bazneicas Mōte, snīgt jam sovu īpašū aizsardzeibu.

Taipat mes tev apsūlam lyugtīs par vysom dvēselem, vest cylvākus pi Tevis un pamudynōt jūs uz tovas Sirds gūdynōšonu. Tai kai ļaunums un grāks pōrpludynoj pasauli, mes ar paļōveibu paceļam skotu uz tevi, žālsirdeigō Mōte, un lyudzam glōbt vysus sovu bārnus. Tu, žēleigī un laipnō, Vysusvātōkō Jaunova Marija!

LYUGŠONA SV. JEZUPAM

Pi tevis, svātais Jezup, mes steidzamēs sovōs bādōs un, tovas Vysusvātōkōs Leigovas paleidzeibu pīsaukuši, ari tovas aizbildeibas lyudzam. Tōs mīlestiebas dēļ, kas tevi vīnōja ar Bezvaineigū Jaunovu, Dīva Dzemdeitōju, un tōs tēvišķōs gōdeibas dēļ, ar kuru tu ryupējīs par Bērneņu Jezu, mes Tevi pazemeigi lyudzam, pasaver žēleigi uz montōjumu, kas atpērcts ar Kristus Kunga Asni, un myusu vajadzeibōs paliedzi mums ar sovu spēceigū pōrstōvnīceibu. Sorgoj, ryupeigais Svātōs gimines sorgs, izradzātūs Jezus Kristus bārnus, izglōb myusus, vysudōrgōkais tāvs, nu ik vīnas sasamaitōšonas un moldim, styprynoj myusus, vysuceņteigōkais aizbiļdni, ar debeseigu spāku symā karā pret tymseibas goru. Un kai cytkōrt tu izglōbi Bērneņu Jezu nu draudūšom jam brīsmem, tai ari tagad sorgoj svātū Dīva bazneicu nu īnaidnīku uzbrukumim un ikvīnas nalaimes! Uzjem myusus vysus sovā pastōveigā patvārumā, lai mes, pēc tova parauga dzeivōdamī un tovas paleidzeibas styprynōti, varātu dīvbejeigi dzeivōt, svēteigi nūmērt un īmontōt myužeigū līksmeibu debesīs. Amen.

Pīmini, vyslaipnō Jaunova Marija,

ka vēl nikod nav dzērdāts,

ka byuntu atstōts tys,

kurš pi Tevis steidzīs,

Tovu paleidzeibu pīsaucis,

lyudzis Tovu aizbiļdnīceibu.

Taidas uzticeibas īdrūšynōts,

es steidzūs pi tevis, Svātō Mōte,

vysu jaunovu Jaunova,

es nōku pi tevis,

stōvu Tovā prīškā,

bādu nūmōkts grēcinīks.

Nanycynoj, myužeigō Vōrda Mōte,

munus vōrdus,

bet uzklausi tūs žēleigi. Amen.

Sorgoj, Marija, sorgoj,
lyudz par sovu bārnu, Mōt!
Dori maņ sirsneņu teiru,
lai varu cytus pasorgōt.
Svētej, Mōte, svētej,
aizlyudz par mani, Mōt.
Žāloj, Mōte, žāloj,
lai varu cytus mīrynōt!

VED MYS PI DĪVA, AK, MARIJA,
bez tō mes dzeivōt naspējam,
jo Viņu mīlōt arvīn beja
eists prīks un laime cylvākam.

Tū lyudzam, meilō Mōte,
nu vysas dvēseles.

Tu Mōras zemes Karalīne,
kū slavas dzīsmōs teicam mes. (2 reizes)

Lai mīlōt Dīvu kotrā saimē
ikvīnā dzeives briedī mōk:
kod bādas ir voi smaida laime,
kod dīnu sōc voi vokors nōk.

Tū lyudzam, ...

Kod Svāts Gors saimē ir ik vīnā,
aug bārni stypri ticeibā,
tod sovus vacōkus tur cīnā,
kai mōca Kristus Bazneicā.

Tū lyudzam,...

Lai narymst tauta sovōs dzīsmēs
lyugt Dīva Mōti Mariju,
ka sorgōtu nu vysom brīsmem
jei myusu dōrgū Tēviju.

Tū lyudzam,...



NĀC, SVĀTAIS GORS

*Ja gribi pōrsalīcynōt,
voi esi pījēmis Svātū Goru,
jautoj sovai sirdei.*

*Jo tamā mōjoj tyvōkmīlestebā,
esi mīreigs!*

Navar byut mīlestebas bez Dīva Gora.

*Jo sv. Pōvuls soka:
„Dīva mīlestebā myusu sīrdīs
ir Svātō Gora īlīta.”*

sv. Augstins

*Svātais Gors, nōc munā sirdī.
Pīveļc tū pi sevis ar sovu spāku.
Dōvoj maņ beigu mīlesteibu pret Tevi.
Kristu, atōlynoj nu manis
vysas slyktōs dūmas.
Sasiļdi mani ar sovas
mīlesteibas degsmi.
Īdedz manī sovas svātlaimēigōs
mīlesteibas guni,
lai vysas cīšsonas
maņ lyktūs vīglas.
Muns svātais Tāvs un maigais Kungs,
paleidzi maņ munā kolpošonā.
Mīlesteibas Kristu, mīlesteibas Kristu!
Amen.*

sv. Katrina nu Sjenas

Dīvs Svātais Gors,
atver munas ausis,
lai es varu dzērdēt Tovu vēsti;
atver munas acis,
lai es varu redzēt
Tovas radeibas skaistumu;
atver munu goru,
lai es varu ticēt Tovam vōrdam.

Dīvs Svātais Gors,
atver munu muti,
lai es varu līcynōt par Tevi;
atver munas rūkas,
lai es varu sajimt Tovu paleidzeibu;
atver munas jyutas,
lai es mīlōtu Tovu tyvumu;
atver munu sirdi,
lai es sajustu Tovu mīlesteibu.
Amen.

Gustave Martelet

NOVENNA DĪVA SVĀTŌ GORA GŪDAM**HIMNA**

Nōc, Svātais Gors, Dīvs Radeitōjs,
Tu žēlesteibu dōvotōjs.
Nōc, mōjoj myusu dvēselēs,
Lai Tovi bārni byutu mes.

Par aizstōvi Tu cyldynōts,
Un Dīva tautai dōvynōts,
Tu dzeives ceļā gaismas stors,
Dzeivs olūts, mīlesteibas gors.

Ar septiņveidu dōvonom,
Vyslobō Tāva syuteitom,
Tu sovus ļaudis styprynoj
Un Dīvu slavēt aicynoj.

Nu Tevis gaismu gribim lyugt
Un Tovā mīlesteibā byut.
Nōc, rōdi ceļu cyldonū
Uz dzeives mērki augstōkū.

Pret ļaunū ceiņā styprynoj
Un sovu mīru dōvynoj.
Myus vodi, lai Tev sekojam
Un debess laimi montojam.

Mes ticim Tāvam myužeigam,
 Un Dīva Dālam vīneigam,
 Un Goram Vysusvātajam,
 Šai Trejadeibai dīviškai. Amen.

LYUGSIMĒS

Nōc, Svātais Gors, pīpiļdi sovu ticeigū sirdis un
 Tovas mīlesteibas guni jymōs īdedz.

Dīvs, kas sovim apostolim atsyuteji Svātū Goru,
 uzklausi sovu ļaužu dīvbejeigōs lyugšonas un tūs, kam
 esi dōvōjis ticeibu, apveļtej ar sovu mīru.

Dīvs, Tu zini vysu un pazeisti myusu dūmas un
 grybu, škeistej myusu sirdis ar Svātū Gora spāku, lai
 mes varim Tevi pīnōceigi mīlōt un slavēt.

Dīvs, kas ticeigūs sirdis mōci un apgaismoj ar Svātō
 Gora gaismu, ļauņ mums Tovu grybu pareizi saprast
 un prīcōtīs vīnmār, sajemūt Svātō Gora žēlesteibas.

Dīvs, Tu ar sovu Goru myusus vodi un sargoj, esi
 mums žēleigs un uzklausi myusu lyugšonas, lai mes,
 sajemūt Tovu paleidzeibu, vīnmār pasaļautu uz Tevi.
 Caur Jezu Kristu, myusu Kungu. Amen.

Tāvs myusu,... Esi sveicynōta, Marija,... Gūds lai ir
 Tāvam...

LYUGŠONA UZ DĪVU SVĀTŪ GORU

Dīvs Svātais Gors, myusu mōceitōjs un vodūns, vodi myusus, lai mes nanūsavērzeitu nu pesteišonas ceļa. Tu esi eistais īprīcynotōjs skumjōs un dzeives gryuteibōs. Tu īdves svātas dūmas, vēlēšonōs un dūd spāku tōs piļdeit. Laimeigs ir tys, pi kura Tu mōjoj. Ari muna sirds lai ir Tev mōjūklis. Es atdūdu Tev, Kungs, vysu, kas manī ir, un Tevi lyudzu, stypyronoj mani ticeibā, īdadzynoj manī mīlesteibu, paceļ mani nu grākim, dūd maņ iztureibu gondareišonā un vairoj munus tykumus.

Dīvs Svātais Gors, kas esi tykumiskōs piļneibas olūts, uzklausi munas pazemeigōs lyugšonas un apdōvynoj mani ar sovom dōvonom. Dūd maņ Tovu prīku, lai laimē es bytu pazemeigs un prīcōtūs Tevī, bet bādōs pi Tevis atrostu mīrynōjumu. Dūd maņ Tovu mīru, lai vysōs dzeives gryuteibōs es saglobōtu prōta un dvēseles skaidreibu, napasadūtu jyutom, kas mani uztrauktu, nu Dīva attōlynōtu voi ar cylvākim vastu nasaticeibā. Dori, lai es bytu pacīteigs bādōs un smogūs pōrbaudejumos, lai tymūs, kai škeiteišonas gunī es tyktu nūryudeits, napakrystu un natyktu salauzts. Dūd maņ labsirdeibu, lai es lobprōt kolpōtu tyvōkim un, sovu īsēju rūbežōs, dareitu tim prīku; dori, lai es bytu laipns un sirsneigs sadzeivē ar cylvākim un bytu

saprūtūš jūs vōjeibōs.

Dūd maņ prōta dōvonu, lai es nikō naapdūmeigi narunōtu un nadareitu, un apveļtej mani ar stypru ticeibu, lai es nikod nesašaubeitu par Tovu patīseibu; dūd ari uzticeibu cylvākim, lai es, pat pīdzeivōjis vilšonūs, nasašaubeitu par ļaužu krītnumu un taisneigumu.

Dūd maņ kautreibu dūmōs un vysā uzvedeibā, lai es bytu pīmārs cytim, lai es mōceitu īgrūžot sovas īkōres un bytu pīticeigs vysōs vajadzeibōs. Dūd škeisteibu vysai munai byuteibai, lai es nikod naaptraipeitu dvēseles navaineibu un taidā veidā nūpeļneitu redzēt Tevi, munu Dīvu, laimeigā myužeibā.

Dīvs Svātais Gors! Dūd maņ nalaimē pacīteibu, laimē pazemeibu, kārdynōjumūs uzvaru, bādōs īprīcynōjumu, dorbā styprynōjumu, spaidūs iztureibu, lai vīnmār es pasateiktu Dīvam. Caur myusu Kungu Jezu Kristu, kas vīneibā ar Tevi un Dīvu Tāvu dzeivoj un volda myužeigi myužam. Amen.



*PĒC KOTRAS SARUNAS AR KUNGU
MUNA DVĒSELE
IR BREINIŠKEIGI STYPRYNĀTA,
TAIDS DZIĻŠ MĪRS VOLDA MUNĀ
DVĒSELĒ
UN DORA MANI TIK DRŪSMEIGU,
KA ES NASABEISTU NIKĀ UZ PASAULES,
IZJAMŪT TIKAI TŪ VĪNU -
SKUMDYNĀT JEZU.*

sv. Faustina Kovalska

PAR MĪRU PASAULĪ

Kungs,
stypyronoj vysūs kristīšūs ticeibu Kristum,
pasauļa Pesteitōjam.

Kungs, ar sovom žēlesteibom
uzturi un vodi kristīšus
pa vīnōteibas un mīra ceļu;
dōvoj vīnōteibas un mīra dōvonu pasauļam.

Dīvs, Tu esi žālsirdeigs Tāvs vysim,
bet īpaši vysvairōk aizmērstajim un tim,
kurim nav ni leidzekļu, ni spāka, lai aizastōvātu.

Mes lyudzam,
lai zinōtniskūs pētejumu pīlītōšona
paleidzātu ražot vairōk pōrtykas,
jo vīns nu pasaulī vysskalōkajim saucīņim
pēc paleidzeibas
ir nabogūs lyugums pēc maizes.

Tāvs, syuti mums sovu Goru,
lai Tys vad vysus Tovus bārnus
uz piļneigu vīnōteibu
patīsā mīlesteibā un paklauseibā Tovai grybai.
Caur Kristu, myusu Kungu. Amen.

PAR VĪNEIBU

Es lyudzu Tevi, Kungs,
par kristīšu vīneibu,
par vīneibu Bazneicā,
par tautu vīneibu...

Es lyudzu par vīneibu munā giminē,
lai muni tyvinīki bytu vīnōti,
lai jī nastu cytim mīru.

Es lyudzu,
lai, pasateicūt Tev, es bytu vīnōts sevī.

„Svēteigi tī, kas nas mīru - jī tiks saukti par Dīva
bārnim.”

Meilais Dīvs,
Tev ir vajadzeigi Tovi bārni,
lai caur jīm pīsaskortu tim,
kas saīguši, kas pazaudējuši poši sevi,
kas sovā sirdī nas namīru...

Tev ir vajadzeigi Tovi bārni,
lai vīnotu tautas,
lai dzīdynōtu cilvēci,
lai glōbtu cylvāku.

Dori mani par sovu bārnu, Dīvs...

Amen.

LYUGŠONA DĪVMĀTEI

Dīva Mōte un muna Māōe, kas ar sovu uzticeibu esi seviški dōrga Kristus Sirdei, izlyudz man lelu mīlesteibu uz tykumeibu un apsajimšonu dzeivōt tai, kai tū prosa Evangelij. Paleidzi maņ byt pīsar-dzeigam, savaldeigam un gūdeigam, kotru dīnu lūyugtīstīs, bīži izsyudzēt grākus un pījimt Sv. Komuniju.

Svētej vysas munas cereibas un plānus nōkušajim godim.

Pasorgoj mani, meilō Mōte, vōjuma breižūs un atbolsti munas pyules dūmōt, runōt un reikōtīs cāli un kristīša cīneigi Kristus mīlesteibas dēļ. Padzilinoj munu cīnu pret cylvāka kermenī, kas ir Dīva svētneica, un lyudz, lai es nikod napazaudeitu draudzeibu ar sovu Pesteitōju savteigu tīksmu apmīrynojuma dēļ, kas naizbāgami nas sev leidza izmysumu.

Svētej un sorgoj vusus munus draugus, Kungs. Dori, lai jī bytu muna paleidzeiba šōs zemes ticeibas svātceloju mā. Dori, lai mes vysi pīaugtu na tikai fiziski un intelektuali, bet ari gareigi un tykumiski. Kungs, rōdi mums sovu ceļu un mōci mums, kai tū staigōt. Amen.

LYUGŠONA PAR AICYNŌJUMIM UZ PRĪSTEREIBU

Ak, Mīlesteibas Dīvs,
Tu, kas myusus bezgaleigi mīloj
un kas esi mums atsaklōjs Jezus vaigā;
kas Svātajā Gorā dūd mums spāku
atbiļdeit Tovai mīlesteibai,
raugīs uz tik daudzajim Tovim bārnim,
kuri ir tōli nu Tevis voi ari ir īgrymuši vyduvejeibā.

Paaicynoj svātus prīsterus,
kuri izplateitu Senakla vēstejumu,
asūt uzticeigi Tovai Bazneicai
un klyustūt par vīnōteibas raugu sovu brōļu vydā`.

Dori, lai aizvien vairōk jaunīšu vālātūs sevi veļteit
svātuma apustulatam,
un dūd pasauļam cylvākus,
kuri prostu runōt na tikai par taisneigumu vīn,
bet pōri vysam par mīlesteibu un brōleibu.

Tim, kuri ir jau atbiļdējuši šaidam aicynōjumam,
dūd drūsmi tymā pastōvēt
un paļōveibu,
ka ar Tovas Mōtes Marijas paleidzeibu
ir īspējams radeit jaunu pasauli,
kas byuntu svātūs un brōļu pasauls.

Amen.



*Aicynoju dorbā jau šudīņ
mīlestiebā dedzeigus
Evangelija sludynōtōjus,
ticeibas līcinīkus,
mīra nesējus,
patīseibas sorgus,
nūmōktūs aizstōvus.
Dorba vīta - vyss pasauls.
Olga - myužeigō dzeive.
Jezus Kristus*

Cezary Grom

SYUTI MAŅ KAIÐU...

Kungs, kod asmu izsalcīs,
 dūd maņ kaidu, kam napīcīšama maize;
 Kod asmu izslōpis,
 syuti maņ kaidu, kam napīcīšams dzērīns;
 Kod maņ solst,
 syuti kaidu, kū jōsasylda;
 Kod asmu naapmīrynōts,
 dūd maņ kaidu, kū jōmīrynoj.
 Kod muns krysts kļyust par smogu nostu,
 lic maņ daleitīs cyta krystā.
 Kod asmu nabogs,
 vodi mani pi tō, kas ir tryukumā;
 Kod maņ nav laika,
 dūd maņ kaidu, lai es uz breidi varātu tam
 paleidzēt;
 Kod asmu pazamōts,
 dori, lai maņ bytu kaids, kū jōgūdoj;
 Kod asmu zaudējis drūsmi,
 syuti maņ kaidu, kū jōīdrūšynoj;
 Kod maņ napīcīšama sapratne nu cytu puses,
 dūd maņ kaidu, kam napīcīšama muna;
 Kod maņ napīcīšamas cytu ryupes par mani,
 syuti maņ kaidu, par kū jōsaryupej maņ;
 Kod es dūmoju tikai par sevi,
 vērs manu uzmaneibu uz cytim. Amen.

MĪRA CEĻŪS

Kungs, dori mani par mīra nesēju,
lai es spātu nest mīlesteibu tur,
kur volda naids.

Lai es nastu pīdūšonu tur,
kur sōpeigi dora pōri.

Lai es nastu patīseibu tim,
kas moldōs.

Lai es spātu nest cereibu tim,
kas izmysumā.

Lai es spātu apgaismōt tūs, kas tymsā.

Kungs, paleidzi maņ,
lai es ilgōtūs dōvōt cytim,
bet navys jimb nu tim.

Lai es vālātūs na tik daudz byut saprostam,
kai saprast cytus.

Na tik daudz byut mīlōtam,
cik mīlōt cytus.

Aizmērst sevi un īmontōt Tevi.

Pīdūt cytim un īgyut pīdūšonu.

Nūmērstūt sev, pīdzimt myuzeigajai dzeivei.

Spēt sevi nūstōdeit zamōkā vītā
un dzeivōt tai,
it kai kotra dīna maņ byutu pyrmō un pādejō.
Amen.

ATVER MYUSU ACIS

Kungs, atver myusu acis,
 lai mes varātu redzēt Tevi
 myusu brōjūs un mōsōs.

Kungs, atver myusu ausis,
 lai mes varātu dzērdēt izsolkušū,
 nūsolušū, nūsabeidušū un apspīstū saucīņus.

Kungs, atver myusu sirdis,
 lai mes tai varātu vīns ūtru mīlōt,
 kai myusus mīloj Tu.

Atjaunoj myusūs sovu Goru,

Kungs, atbreivoj myusus, dori myusus par vīnu
 vasalu.

Amen.

MŌCI MAŅ MĪLESTEIBU

Kungs, mōci maņ narunōt kai skaneigam zvonam
 voi kai klavesinam, bet ar mīlesteibu.

Dori mani saprūtūšu un dūd maņ ticeibu,
 kas kustynoj kolnus, bet ar mīlesteibu.

Mōci maņ tū mīlesteibu,
 kas vīnmār ir pacīteiga un laipna;
 nikod greizsirdeiga, augstprōteiga,
 savteiga voi vīgli aizvainojama;
 mīlesteibu, kas jyut prīku patīseibā,

vīnmār gotova pīdūt, ticēt, cerēt un izturēt.
Un beidzūt, kod vysas pabeigtōs lītas pagaiiss,
vyss byus vysim zynoms:
ka es beju vōjš,
bet pastōveigs Tovas
piļneigōs mīlestiebas attāls.
Amen.

Mōte Tereze

BĀRNA LYUGŠONA PAR SOVIM VACŌKIM

Vyslobais Dīvs, kas esi mums devis bausli gūdōt sovu tāvu un sovu mōti, es lyudzu, paleidzi maņ tai dzeivōt, lai es byutu sovim vacōkim atbolsts un īprīcynōjums vysōs jūs dzeives dīnōs. Ar sovu ūzīlestiebu atolgoj, Kungs, jūs par vysu, kū tī munā lobā ir darejuši, lai jī, ilgi un laimeigi dzīvojūt, varātu īmontōt dabasu valsteibu. Amen

PAR LOBU GORASTŪVŪKLI

Kungs,
dōvoj maṇ mīsas veseleibu
un mīreigu goru.

Kungs,
dōvoj maṇ vīnkōršu prōtu,
lai es spātu
kai dōrgumus krōt vysu, kas lobs;
lai es nanūsabeitu, radzūt ļaunumu,
bet dreižōk spātu labi izprast nūteikūšū.

Dōvoj maṇ taidu goru,
kas napazeitu
nūgurumu, kurnēšonu, nūpyutas, žālōšonūs,
un naļauṇ,
lai es pōrōk nūsapyuleju ar sovu "es".

Kungs,
dūd maṇ lobu humora izpratni,
lai es spātu atrast dzeivē kaut nadaudz prīka
un mōcātu īprīcynōt ari cytus.
Amen.

sv. Tomass Mors

LYUGŠONA PYRMS EKSAMENA

Lobas veiksmes Môte, lyudz par mani, lai es labi nūlīku eksamenus. Izlyudz svēteibu munom studijom; lyudz par munu sasagatavōšonu, par munim skūlōtōjim un par munim draugim. Izlyudz maņ Svātō Gora dōvonas, lai es uzsōktu dīnas dorbus ar drūsmi, cereibom un prīku. Kristus, myusu dīviškō Skūlōtōja, Môte, izlyudz nu sova Dāla, lai Jis dōvoj maņ žēlesteibu izmontōt tovu aizbiļdnīceibu, svātdori myusu gimini un pasorgoj myusu mōjas kai dīnu, tai nakti. Dori, lai myusu mōja bytu mīra, mīlestiebas un lyugšonu vīta. Lai tovs Svātais Gors voda myusu vōrdus un dorbus un īdvesmoj myusu cereibas par nōkūtni. Marija, lyudz par mums, lai dīnu nu dīnas pīaugtu myusu mīlestieba pret tovu Dālu un lai pasalelynōtu mīlestieba myusu pošu storpā, leidz nūnōksim sovōs myužeigajōs mōjōs debesīs. Amen.

SVĒTEIGI, kas prūt pasasmīt poši par sevi;
jī nikod nabyus nūskumuši.

Svēteigi,
kas prūt atšķērt mozu akmini nu lelas klinčs;
jī izavaireisīs nu daudzom napatikšonem.

Svēteigi, kas prūt klauseitīs un klusēt;
jī īsamōceis daudz jauna.

Svēteigi, kas ir jyuteigi pret cytu lygumim;
jī klyus par prīka nesējim.

Svēteigi jyus,
kas ar lelu uzmaneibu prūtat ryupētīs
par mozom lītom
un ar lelu mīru par ļūti svareigom lītom;
jyus dzeivē tōli tiksit.

Svēteigi jyus,
kas ar sapratni,
preteji šķītamajam, prūtat izskaidrot cytu reiceibu;
jyus atzeis par naivim,
bet taida ir mīlestības cena.

Svēteigi, kuri vyspyrms dūmoj un pēc tam dora,
vyspyrms lyudzās un pēc tam dūmoj;
jī izavaireis nu klyudom.

Svēteigi asat jyus,
kas prūat atpazeit Kungu
vysūs satyktajūs cylvākūs,
jo asat atroduši patīsū gaismu un patīsū mīru.
Amen.

**SV. FRANCISKA LYUGŠONA
KRUCIFIKSA PRĪŠKĀ**

Vysuaugstais un varenais Dīvs,
lic sovai gaismai atspeidēt
munas sirds tymsā.
Dōvoj maņ eistu ticeibu,
naizseikstūšu cereibu,
dedzeigu žālsirdeibu
un dziļu pazemeibu
ar lobu uztveri un gudreibu,
ak, Kungs, tai, lai es varātu vīnmār
piļdeit Tovu svātū grybu.
Amen.

KARDINALA ŅUMENA LYUGŠONA

Mōci mani, meilais Dīvs, bīži un uzmaneigi
pōrdūmōt šū patīseibu: ja es īgyustu vysu pasauli, bet
zaudeju Tevi, tod beigōs es asmu zaudējis vysu;
turpretim, ja es it kai zaudeju pasauli, bet īgyustu
Tevi, beigōs es naasmu zaudejis nikō. Amen.

**MINISTRANTA LYUGŠONA
PYRMS SV. MISES**

Meilais Dīvs,
pēc breiža es īšu pi Tova oltora.
Es sōkšu svātū kolpōšonu
un vēlejūs tū labi izpiļdeit,
tōpēc lyudzu Tovu, Kungs Jezu, žēlesteibu,
lai munas dūmas bytu pi Tevis,
lai munas acis bytu vārstas uz oltāru,
bet muna sirds pīdarātu tikai Tev,
kas dzeivoj un voldi myužu myužūs. Amen.

MINISTRANTA LYUGŠONAS PĒC SV. MISES

Meilais, Dīvs,
Tu sovā labesteibā
mani esi aicynōjis sovā kolpōšonā.
Dori, lai leidzdaleiba sv. Mises svinēšonā mani
svātdareitu un paleidzātu īt pa pesteišonas ceļu
šudiņ un vysas munas dzeives laikā.
Caur Jezu Kristu, myusu Kungu. Amen.

DIEVS, SVĒTĪ LATVIJU!

Kārlis Baumanis

The musical score consists of five staves of music in common time with a key signature of one sharp. The lyrics are integrated into the musical lines. The first staff starts with 'Dievs, svē - tī Lat - vi - ju Mūs' and ends with 'tē - vi - ju!'. The second staff continues with 'Svē - tī jel Lat - vi - ju, Ak, svē - tī jel to!'. The third staff begins with 'Kur lat - vju mei - tas zied,' followed by 'Kur lat - vju'. The fourth staff starts with 'dē - li dzied.' and ends with 'Laid mums tur lai - mē diet Mūs''. The fifth staff concludes with 'Lat - vi - - jā!' followed by another 'Lat - vi - - jā!' under a bracket labeled '2.'

Dievs, svētī Latviju,
Mūs' dārgo Tēviju,
Svētī jel Latviju,
Ak, svētī jel to!

Kur latvju meitas zied,
Kur latvju dēli dzied,
Laid mums tur laimē diet -
Mūs' Latvijā!



**ES ASMU AUGŠANCEĻŠONŌS UN DZEIVEIBA:
KAS MAŅ TIC,
LAI ARI JIS BYUTU NŪMIRIS, DZEIVŌS.**

Jη 11, 25

Svareigōkōs dīnas Bazneicas kalendārā

Gods	Palnu dīna	Lelindas	Debesis ķopsonas svātki	Vosors- svātki	Adventa pyrmo svātdina
2014.	5. martā	20. apr.	29. majā	8. junijā	30. nov.
2015.	18. febr.	5. apr.	14. majā	24. majā	29. nov.
2016.	10. febr.	27. martā	5. majā	15. majā	27. nov.
2017.	1. martā	16. apr.	25. majā	4. junijā	3. dec.
2018.	14. febr.	1. apr.	10. majā	20. majā	2. dec.
2019.	6. martā	21. apr.	30. majā	9. junijā	1. dec.
2020.	26. febr.	12. apr.	21. majā	31. majā	29. nov.
2021.	17. febr.	4. apr.	13. majā	23. majā	28. nov.
2022.	2. martā	17. apr.	26. majā	5. junijā	27. nov.
2023.	22. febr.	9. apr.	18. majā	28. majā	3. dec.
2024.	14. febr.	31. martā	9. majā	19. majā	1. dec.
2025.	5. martā	20. apr.	29. majā	8. jumijā	30. nov.
2026.	18. febr.	5. apr.	14. majā	24. majā	29. nov.
2027.	10. febr.	28. martā	6. majā	16. majā	28. nov.
2028.	1. martā	16.apr.	25. majā	4. junijā	3. dec.
2029.	14. febr.	1. apr.	10. majā	20. majā	2. dec.
2030.	6. martā	21. apr.	30. majā	9. junijā	1. dec.
2031.	26. febr.	13. apr.	21. majā	1.junujā	30. nov.
2032.	11. febr.	28. martā	6. majā	16. majā	28. nov.
2033.	2. martā	17. apr.	26. majā	5. junijā	27. nov.

Gods	Palnu dīna	Lelidinas	Debesis kōpsonas svātki	Vosors- svātki	Adventa pyrmo svāldīna
2034.	22.febr. 7.febr.	9.apr. 25. martā 13.apr.	18. majā 3. majā 22. majā 14. majā 3. jūnijā 19. majā 10. majā 30. majā 15. majā 7. majā 26. majā 18. majā 3. majā 23. majā 14. apr. 5.apr.	28. majā 13. majā 1.jūnijā 24. majā 13. jūnijā 29. majā 20. majā 9. jūnijā 25. majā 17. majā 5. jūnijā 28. majā 13. maijā 2. jūnijā 24. majā 6.jūnijā 29. majā	3. dec. 2. dec. 30. nov. 29. nov. 28. nov. 27. nov. 2. dec. 1. dec. 30. nov. 29. nov. 28. nov. 3. dec. 2. dec. 1. dec. 30. nov. 29. nov. 28. nov. 3. dec. 2. dec. 1. dec. 29. nov. 28. nov. 27. nov.
2035.	27. febr.	5.apr.	25. apr.	14. majā 3. jūnijā	
2036.	18. febr.				
2037.	10. martā				
2038.	23. febr.				
2039.	15. febr.				
2040.	6. martā				
2041.	19. febr.				
2042.	11. febr.				
2043.	2. martā				
2044.	22. febr.				
2045.	7.febr.				
2046.	27. febr.				
2047.	19. febr.				
2028.	3. martā				
2049.	23. febr.				
2050.					

SATURS

Muna pyrmō sv. Komunija ar Jezu	5
Lyugšonas	
Krysta zeime	9
Kristeigais sveicīns	9
Kunga lyugšona	9
Ēngeļa sveicīns	10
Vysusvātōs Trejadeibas gūdam	11
Apostolu ticeibas aplīcynōjums	12
Reita lyugšona	13
Lyugšonas pyrms un pēc ēššonas	13
Vokara lyugšona	14
Kunga ēngeļs	15
Debess Karalīne	16
Esi sveicynōta, Karalīne	17
Svātī sakramenti	
Kristeiba	21
Gondareišonas sakraments	24
1. Sirdsapziņas izmekleišona	
Dīva bausleibas	25
Bazneicas bausleibas	28
Golvonī grāki	30
2. Grāku nūžāla	31
3. Apsajimšona lobōtīs	32
4. Grāksyudze	34

5. Gondareišona par grākim	35
Vysusvātōkais Sakraments jeb Euharistija.....	39
Lyugšonas	
Pyrms sv. Komunijas	40
Pēc sv. Komunijas	41
Krystā systō Pesteitōja prīškā	43
Kai uzavest bazneicā.....	47
Svātō Mise	
Mes ceļūs kreitam	53
Sv. Mises kōrteiba	
Īvoda rits	
Īvoddzīsma un sveicīņs.....	54
Grāku nūžālas akts	55
Invokacijas uz Jezu Kristu.....	56
Himna Dīva gūdam	57
Kolekta	58
Dīva Vōrda liturgija	
Lasejumi	61
Evangelījs.....	62
Ticeibas aplīcynōjums.....	63
Vyspōrejō lyugšona	64
Euharistiskō liturgija	
Upurdōvonu upurēšona	65
I euharistiskō lyugšona.....	68
II euharistiskō lyugšona	69
III euharistiskō lyugšona	74

Sv. Komunijas rits	
Kunga lyugšona	78
Lyugšona par mīru	80
Mīra sveicīns.....	81
Maizes lausšona	82
Lyugšonas pyrms sv. Komunijas	83
Sv. Komunija	87
Lyugšona pēc Komunijas	88
Nūslāguma rits	89
Visusvātōkō Sakramenta pīlyugsme	
Kungs Dīvs Vyssvātā Hostijā	93
Vysusvātū Sakrametnu	94
Svātais Dīvs	97
Dīvs, mes Tevi slavejam.....	98
Kristus dvēsele	99
Vysusvātōs Jezus Sirds gūdynošona	
Litanija Vysusv. Jezus Sirds gūdam	103
Cīļvēces veļteišona Vysusv. Jezus Sirdej	107
Himna Jezus Sirds gūdam	109
Krystaceļš	
Jo vysi tevi atstōtu	113
Krystaceļa nūstōšonas	115
Tu kas esi cītis	130
Ryugtōs sōpes	133
Ryugrōs sōpes, osu šautri	134
Pyrmō daļa.....	135

Ūtrō daļa	140
Trešō daļa	145
Dīva Žālsirdeibas krūneits	154
Rūžukrūņs	159
Litanija Vysusv. Jaunovas Marijas gūdam	180
Veļteišonōs Vysusv. J. Marijas Bezvaineigajai Sirdej	184
Lyugšona sv. Jezupam	186
Ved myus pi Dīva , ak, Marija	189
Lyugšonas uz Dīvu Svātū Goru	191
Dažaidas lyugšonas	
Par mīru pasaulī.....	199
Par vīneibu	200
Lyugšona Dīvmōtei	201
Lyugšona par aicynōjumu uz prīstereibu	202
Syuti maņ kaidu.....	204
Mīra ceļūs	205
Atver myusu acis.....	206
Mōci maņ mīlestiebu.....	206
Bārna lyugšona par sovim vacōkim	207
Par lobu gorastōvūkli	208
Lyugšona pyrms eksamena.....	209
Svēteigi	210
Sv. Franciska lyugšona krucifiksa prīškā	212
Kardinala Nūmena lyugšona	212
Ministranta lyugšona pyrms sv. Mises	213
Ministranta lyugšona pēc sv. Mises	213
Dīvs, svētī Latviju	214

ISBN-9984-19-256-3

Iespīsts SIA «Latgales druka»
Rēzeknē, Baznīcas ielā 28, 2015. gads.